

寧國府志卷二十八

人物志

儒林

宣城縣

**宋孫自修**

字敬夫偕從弟自新自任從朱子游時宣邑正學久

訓既歿自修追記池錄一卷附載朱子語錄又朱子寶紀載

**胡鼎金**

字貴剛究心易學嘗作三陳九卦說曰文王九卦之

以父巽離兌於上者叙倫於履矣取謙於坤先天之坤所以  
母震坎艮於下者叙倫於謙矣復卦乾陽反動於坤陰之下  
復禮為人之本也而三才之道備矣六卦之取於下篇至於  
巽以行權而聖人之用易微矣語見新安朱升周易註乾

隆府志

寧國府志

卷二十八

人物志 儒林

一

**吳柔勝**

字勝之本寧國縣人長遊郡學遂徙宣城父丕嘗贅

丞相趙汝愚雅賢之差嘉興教授浙右大水常平使者委行  
荒政民亡流逋會汝愚去御史湯碩劾其擅放田租為汝愚  
收人心且學主朱熹不可為師儒官坐罷久之注贛州尉時  
仕嶺南者多瘡死妻子比還過贛流落柔勝請創廣惠館  
括閒田所入以給之由是人人得返鄉里嘉定初歷國子正  
始以朱熹學與諸生講貫於生徒中得潘時舉呂喬年白於  
長吏擢職事以是士知趨向伊洛之旨晦而復明歷司農丞  
出知隨州時再議和好邊臣遇塞下民事涉北界者不問法  
輕重輒殺之郡民梁臯有馬為北人所盜追之各發矢相拒  
郡下七人於獄柔勝立破械縱之具始末報北界而已收土  
豪孟宗政扈再興隸帳下後皆為名將築隨州及棗陽城招  
四方亡命得千人立軍曰忠勇營柵器械悉備除京西提刑  
領州如故改湖北運判知鄂州歲歉乞糴湖廣行荒政十五  
州所全活亡算改知太平州歷工部郎中力辭除秘閣修撰  
奉祠卒諡正肅柔勝天性孝友初筮仕會母夫人病亟時有  
願輸千緡易缺者亟謝去曰吾乃以親病而罔利哉始與彭  
龜年楊簡袁燮為師友每以行事至否驗學力淺深嘗曰士  
先大節大節苟虧他美莫贖故罹黨禍十餘年畧不少貶于

淵潛並在名臣傳大清  
一統志 乾隆府志同

### 明吳宗周

字子旦少孤篤孝嘗割股愈母病數歲母卒廬墓詔表其門專志聖學以明道關異端為己任中宏治丙辰進士方觀政御史黃山給事中臨江下車撤三教坊易曰崇儒改二氏廬為學舍聚生徒講學居家以德化里閭皆嚴憚之躬行卓卓視虛談性命者蔑如也所著有廣崇正辨諸書至今稱孝友者必曰吳石岡先生石岡其別號也 大清一統志 乾隆府志同

### 貢安國

字元畧翰林待詔汝成子窮究性命有啓蒙規條由明經司訓湖口常主白鹿洞書院事每集諸生講論戒口說務實行倡學四十餘年語多不傳門人有私錄一二者安國見之自題曰學覺窺斑言自詣與覺人皆非其至也陞國子監出知東平州力行所志尋罷歸主志學書院督學耿定向知府羅汝芳請矜式多士學者至今稱受軒先生 江南通志 乾隆府志同

### 戚袞

字補之與貢安國同師講業以歲貢知項城縣潔已愛民大闡理學安國極推之以為宣城講學之風自袞始

## 寧國府志

## 卷二十八

人物志 儒林

二

江南通志  
乾隆府志同

### 沈寵

字思畏少師同邑貢安國力學有志行領嘉靖丁酉鄉薦字復從王龍溪鄒東廓游事良知之學知行唐縣民不諳織紵為造機杼教習俗遂饒御史按部至厨省約澣所用帳以進御史賢其廉介調繁獲鹿興農桑修禮教盜賊衰息擢監察御史巡視京城裁抑瑞戚按福建清軍巡鹽所部郡佐二人怙時宰姻姪恣驢輒論斥之時偉其風力坐此觸忌左遷湖廣兵備僉事兼飭江防會九龍灣寇鄭聚數千人鈔掠傍郡龍設方署破平之建崇正學書院延名儒講學楚士翕然蒸動遷廣西布政司參議以母老告歸里與郡守羅汝芳給事梅守德交相一切劾引掖後學咸稱古林先生寵丰裁峻整學崇實踐專精一志意稍弗慊輒齒指自責細行必謹著有古林摘稿卒從祀陽明祠子二懋學萬歷丁丑進士第一 大清一統志 乾隆府志

### 郭忠信

字希曾與兄忠貞並郡諸生從太守羅汝芳講學耿郡忠信兄弟與焉試古之學者為已論錄忠信一篇洋洋數千言根極理要恭簡特刻以傳之曰此篤行人也鄉縉紳交

稱之謂無愧屋漏云隆慶三年用恩貢判辰州廉介獨立忤時相謫婺源教諭以八條造士二年自免歸稱梅井先生時東鄉洪林三十里上下有貢受軒沈古林與梅井兄弟理學相望幾近鄒魯乾隆府志

### 施宏猷

字允升元石峽書院山長璠之後宏猷少卽志學補弟子員受業陳履祥得羅盱江之傳嘗與汪有源諸

人建六邑及南都十四郡大會興起者衆郡守金勵折節禮之結高齋五子社嘗謂人曰施子余布衣交其學人所不及

猷父尹政有義田志未就猷捐叔祖亡嗣遺產千金爲義田以成父志贍宗族同里梅鼎祚作記稱之會疾甚履祥齋戒

爲文籲天請代曰惟施子能昌吾道也語見陳年譜中明年履祥歿於京師猷哀勤如失父母迺其喪於廣陵歸葬又爲

祠祀之聚同人講學焉所著有同仁語錄性善太極諸篇鄒元標爲作傳學者稱中明先生卒後焦竑志其墓子二譽譽

譽字曾省孝友好學有父風江南通志乾隆府志同

### 孫經

字阿麟與弟緯生同乳並補諸生經近狷緯近狂同師陳履祥交砥學問緯得鬲疾經晝夜調護至不忍食緯

卒益感憤自力見人輒慷慨勸勉至流涕緯字季昭母病割股療救籲天請代母卒廬墓三載賑除就講四方自悔簿學

## 寧國府志

### 卷二十八

人物志 儒林

三

目夜皇皇久之豁然以解時多言無善之善是爲至善緯力辨之以爲此告子之學與孔孟相逕庭經有語錄四卷緯廬

中言三卷子於王見文苑 乾隆府志

### 王念祖

字台水文陽人性方正人無少長見之必斂容從履祥問學多所講明家貧授徒嘯歌自得學者皆有

矩矱以布衣終年八十乎註周易不輟同上

按康熙志作王念祖乾隆志作孫念祖附孫經傳今據水

陽河西王氏宗譜仍作王念祖以訂其誤

### 沈壽民

字眉生宣城人寵曾孫博通經史善古文崇禎末巡撫張國維以賢良方正薦徵赴闕下郎抗疏劾大司

馬楊嗣昌奪情悞國總督熊文燦不能制敵不報拂衣歸講學麻姑山麓從游者數百人後黨禍作避地蘭溪陽相國

陳名夏以書招之不應足跡不履城市者三十年已而屬疾諭門人劉堯枝施閏章等曰以此心還天地以此身還父母

以此學還孔孟語畢而卒江南通志 乾隆府志同

按沈徵君明史有傳省志府志俱載入 國朝今從 大

清一統志仍列前明度與正史相合

**國朝梅文鼎**

字定九宣城人歲貢生以孫穀成貴累贈光祿大夫都察院左都御史博雅善屬文尤耽精歷算兼通中西之學自製揆日測算諸器皆獨出新意所著歷算八十八種皆發前人所未發李文貞光地以文鼎所著歷學疑問三種進呈

卷進呈

聖祖獎許召見德州舟次者三因年老放歸田里

賜御書績學參微四大字

詔光地曰此學鮮知者當世僅見也文鼎生平留心經濟不為無用

之學孜孜好善老而彌篤卒年八十九 大清一統志 乾隆府志同

**施閔章**

字尚白號愚山生九齡而孤字於叔父譽尪弱善病然好學日孜孜博覽經史諸子百家書疆記殆徧受

業沈徵君壽民為其高弟順治丙戌舉於鄉己丑成進士授刑剖主事歷員外郎生平工詩賦古文詞公餘退食同曹唱和每一詩脫稿輒傳播都門時有南施北宋之目施即閔章宋謂琬也督學山左率諸生論道講學鄒魯之風蔚然振起

**寧國府志**

**卷二十八**

人物志 儒林

四

轉湖西道參議適袁臨歲凶瘠多盜前政治以猛擊盜轉劇閔章至拊循有方境內帖然稱之為施佛子尋以缺奉裁歸築雙溪草堂與朋好吟咏為樂時講學於同仁會館四方知名士咸來問業學者稱愚山先生康熙己未以博學宏詞徵入翰林官侍講纂修明史辛酉主試河南轉侍讀癸亥卒於官閔章性孝友紹述理學矜尚禮義居恒事叔父如父凡親故貧乏解推不倦赴人難如已創拯卹備至尤好扶掖後進雖寸長片技不惜齒芬獎成卒之日士大夫聞者莫不垂涕所著雙溪詩文全集織造棟亭曹公為劄劄行於世子彦惇彦恪彦恪字孝虔號遜巖恩貢生家居孝友性慷慨仗義工書能詩著粵遊草見聞錄家風述畧續編藏於家孫琛字獻可庠生亦能詩 大清一統志 乾隆府志同

**吳肅公**

字雨若號晴巖宗周裔也從叔氏垆徵君沈壽民學垆謝去舉子業肅公亦深村鍵戶力窮聖學以崇實

用凡異端邪說堪輿祿命之術舉不能惑時姚江傳習錄充斥宇內肅公辭而闢之以明道為格物即集義以為仁著正而論其大旨曰傳注者聖人之教之所寓以明也陽明悉悟而易簡直捷之宗卒之言天愈渺而見性益微比釋氏而弗惜也灑灑千言澠淄立判從游者日衆立明誠會約詳全集遠

近知者率稱晴巖先生當事請見謝弗納衰衣博帶望而知  
為有道之儒治古文直逼左史詩不屑三唐以下所著有街  
南文集壽民避跡湖北抱疾肅公侍湯藥兩月易  
簣時為師櫛縱治髮簪羣稱義弟子云同上

### 吳士品

字孟修少從東鄉艾南英遊受朱子全書遂悉其奧  
旨性至孝居父喪服制儀節悉從家禮苦塊於地朝

夕哭奠日一詣中庭省母母旋卒亦如之六年如一日時學  
者方溺於靜坐冥悟之說士品作陽明辨惑以闢之議論一  
本朱子其薈萃經傳鈎考異同所撰述不下數十卷皆州次  
部居縷分綸合每藁數易而後成並手繕端詳不假副墨寒  
水酷喝斫斫窮年尤謹於禮教凡弔於人是日却酒肉為輓  
章極劬勞罔極之恩俾人習之以革僧懺情詞哀切聲調悽  
惋里黨化之及卒街南吳肅公誌  
其墓其書目詳載籍中同上

### 姜安節

字勉中父塚萊陽人明給事中以直諫拜杖謫戍宣  
州卒於吳安節奉遺命扶襯葬敬亭移家廬墓又函

父落齒還座萊陽先壙仍自萊陽遷母襯葬敬亭人稱純孝  
少穎異顛沛中不廢學長益工詩古文顧以累代忠貞體父  
志不求仕進杜門學道初有契於姚江傳習錄謂良知之說  
直截簡易既而聞袁公白得新安程子之傳往見之質辨

## 寧國府志

### 卷二十八

人物志 儒林

五

天泉四語爽然若失乃精思有悟遂棄姚江之學獨以孟子  
為宗以性善為主仁義為要深造自得見諸躬行凡所論撰  
一以聖賢為歸其有不合雖世所誦法悉挾摘詳辨不肯苟  
同尤力排二氏父執熊開元欲援之學佛與辨析累日開元  
亟歎服目為孔孟嫡傳學者稱茲山  
先生著述甚富見載籍志同上

### 南陵縣

### 明汪景

字希道少好讀書已而歎曰日記萬言徒增耳目障耳  
於是一意於文行交致之功從湛若水遊鄒守益錢德

洪咸以畏友目之由孝廉司理嘉興汝寧執法不避豪右甫  
考績即乞歸見一時學者多宗虛無之教每言聖門之學以  
實踐為功真知為貴作良知辨讀陸子集辨等  
書皆有功斯道云江南通志乾隆府志同

### 何燮

字贊元都諫燿之從兄篤學工文章年甫卅偕父僑補  
諸生父知燮能繼志遂專意屬燮燮益自勵負笈從歸

震川太僕之門學成始歸已而聞鄒東廓錢緒山兩先生講  
姚江良知之學於涇邑水西率其徒往師之學務實踐不作  
淪虛蹈空之習生平恥事浮名歲辛亥學使黃公拔士貢京  
師燮與焉辭不受丁巳燮又當貢燮曰有許檀者吾勿讓許

將終焉至己未變始貢自京師歸未數月卒邑  
舊志稱燮崇尚正學殆不誣云 乾隆府志

### 涇縣

**元左繼樵**

授字芳遠年十三能賦詩既長博學明經任安慶路教  
此書則心不通大陞錢塘令固辭不獲赴官旬日竟移疾歸  
築精舍曰隱齋終日危坐手大易性理諸編與友推究性命  
之學浩然自下嘗語其子曰顏子樂聖人之道何道孟  
子養浩然之氣何氣也學者多稱述之 乾隆府志

**明左輔**

字弼之宏治丙辰進士授浮梁知縣時景德鎮窯廠中  
使忤中貴調景陵遷瑞州府同知又忤瑾黨謫南安教授再  
謫南城訓導日與諸生講論不輟瑾誅起知寧州謝病歸寓  
沙園以著述有得輔恬淡端慤讀書探究性理著  
周易本義附說太極後圖南庠日講等集 同上

**張榮**

字士儀號本靜幼穎異五歲父母雞初書義即了了常聞  
聲鳴矣母笑曰汝纔讀書便曉此耶八歲屬文十歲遍治  
諸經十三居父喪哀痛執禮如成人十七廩諸生究心時務

## 寧國府志

### 卷二十八

人物志 儒林

六

慨然有經濟志觀書獨得大旨不屑為章句之學尤長於易  
論辨精微即田何無以過也歐陽文莊公為南祭酒講學往  
從之言下領悟繼從鄒東廓錢緒山王龍溪諸公遊銳意研  
求歸築室聚徒講論亶亶若懸河動中肯綮學者多興起事  
母董氏至孝病則親嘗湯藥夜籲天請代比卒慟幾絕築永  
思山房守墓三載敦睦宗黨著家規賑困乏誘進中才與朋  
友處必以名節道義相勸切倡建水西精舍多延名儒歲主  
講會由是西之學名天下年三十二卒祀鄉賢 同上

**查鐸**

字子警善屬文尤篤志於正學嘉靖己酉鄉舉報至猶  
不苛能體民隱諸生葉潤為警所中亟直之部令有私圖  
自潤者諷諭使省改不以摘發自矜也鞫獄明允民就讞恐

後巡按御史論薦以卓異徵道入為刑科右給事中屢疏勸  
時家居將致書執政鐸堅卻之入為刑科右給事中屢疏勸  
經筵覈邊功定營議舉人才言皆切中休暇輒從海內名碩  
論學以爲常新鄭起兼銓部不相協左遷山西參議撫臣希  
新鄭旨論致仕意殊不肩也新鄭罷補舊官陞廣西兵備副  
使兼領驛傳三月移疾歸繕水西書院倡明理學折節引後  
進不干郡邑均田救荒則力言於當事臺使者屢疏交薦堅  
卧不起其學獨信文成致良知之說年七十四疾作兄秀往

視問曰心得毋動乎曰病吾身耳吾心何  
病旦起索衣冠端坐逾時遂瞑同上

### 翟台

字思平穎異博覽登嘉靖己未進士授長沙推官務先  
教化明正學行鄉約除强暴革各屬宿弊埋冤獄數千

陞南駕部主事編黃船清蘆課未幾掛冠歸築室考溪率同  
志興復水西書院集四方學者發明姚江之學年七十餘卒  
於家著有考溪集水西答  
問諸書祀鄉賢同上

### 蕭良幹

字以寧甫入塾聞范文成良知之學時會同志講究  
紙藏笥中弱冠慕王文成良知之學時會同志講究

多所自得母病衣不解帶者累月初授戶部主事權稅崇文  
河西斥羨金無所取遷紹興知府修三江閘築海塘復稽山  
書院與士大夫講學課業士皆尸祝之陞貴州副使歷河南  
右參政陝西左布政使裁抑鑛稅二璫不少假借所部賴以

安歷中外三十年歸里周給子姓割腴田二百  
餘畝為義田以竟初志年七十餘卒同上

### 蕭雍

號慕渠都御史彥之弟也幼志聖學每從諸先儒語錄  
彈精尋繹視榮利若委塵登萬歷癸未進士官工部主

事陞員外郎中雖壯歲升華常有歸田之志出參議江西轉  
浙江副使提學精心品鑒不爽錙銖尤敦文行抑浮靡士林

## 寧國府志

### 卷二十八

人物志 儒林

七

稱祭酒焉致政歸久之薦起再遷廣東按察  
使累疏乞休蓋所稱素無宦情者矣同上

### 徐榜

號薦下文章當以徐榜為式午未聯第除工部主事八遷  
至浙江右布政宣猷布德多著勞績平生志在濂洛厭華麗

寡笑言禮法所在雖親舊不假顏色聚集水西書院講學  
謂門弟子曰吾輩歷宦居鄉微營私肥家之念不可有即  
顧惜人情阿狗上官亦不得人我胸次脫粟布衾終身儒素

卒之日廩無餘積橐無餘資鄉人  
咸頌其以清白貽子孫同上

### 趙仲全

字文質少補諸生博綜羣籍動遵矩矱讀宋儒諸書  
歎曰道在是矣安事彫蟲為遂引疾罷諸生業隱居

教授鄉鄰嚴事之伯子健成進士仲舉於鄉以健仕封  
中奉大夫布衣蔬食治家內外肅然年八十八卒嘗著道學  
宗師錄五卷繇上古而下若董賡濂洛諸儒及老莊申韓諸  
子靡不考述其言行為之折衷又語錄二卷詩銘文集五卷

易學洪範會極十卷古本大學朱陸辨趙氏家乘  
諸書粹然一出於正學者稱為梅峯先生同上

### 鄭岱

字維宗年十四補邑諸生聞會講水西精舍咸得發揮  
文成之旨慕而學之二十年無所入偶有述許魯齋言

雖處千百人場中常知有已欣然會心久之忽自悟曰今而後知聖人之學心學也四書六經一皆有一頭緒矣由是又加精研隨得力於諸書所著有自言草歲貢入京卒年五十三知府西華金勵雅重之為請祀鄉賢同上

### 寧國縣

**明楊遜**

字子順質性高敏同邑有余珊碧溪嘗從學於錢緒山鄒東廓遜聞其言慕之初以習靜操持為功積苦二十

年後師事陳九龍陳令其自識其心遜一意內守泱旬忻然自喜見孔顏樂處受所著九經翼久之覺性體自然神智開暢著就正言二卷九龍見而序之歎以為如愚足發也九龍歿遜倡教寧川積誠以感人士多蒸變稱懷鳳先生今六邑講會惟寧川獨盛皆推其功尸祝不衰同上

### 旌德縣

**明呂堅**

字定夫隆慶選貢判廣信府遷桂林府同知七登薦牘忤朝貴左遷河南周藩長史王嚴重之中州賢士多從

遊其門引疾歸年九十卒堅歷官循謹廉儉私居必整衣冠嚴坐師事李見羅講學與宣城施宏猷同志至老不懈郡守

## 寧國府志

### 卷二十八

人物志 儒林

八

金勵延至甚驩數歲言不及私金益歎重詳焦竑所撰行狀同上

### 太平縣

**明杜質**

字惟誠少補諸生從錢緒山王龍溪遊多所指授家貧浩歌自如鄒穎泉視學東魯聘主講席時張江陵禁道

學質聞之曰彼禁者偽耳吾自真也但易其名為申明鄉約講勿輟一以至誠相感發滿座改容著明儒經翼行世卒祀

鄉賢 同上

**周可宗**

字子善質性純篤總角時即謹守禮法從伯父恭節奇之隨父赴任唐藩風儀秀整王欲尚以郡主以有

室堅辭長入邑庠生師王一貫授王心齋學轉授可宗體認親切砥行甚力門人日進比卒里中相率祠祀並祀鄉賢

同上

**邵汝行**

字季躬少孤事母孝侍疾不解衣伯兄病疫家人避之汝行力為調護不離生平以理學自任五松陵陽

諸會出資佐之四方學者麇集焦竑主新安會講壇汝行針芥投合及歸道經仙源復請開講於周恭節祠決疑送難連



數朝夕次年遂擊子樸元從學樸元

### 周志乾

字默坐有勵志力行嘗言入聖賢學須靜悟為要居恒

一切世味皆屏謝嘗倚授徒自瞻然辭多就約取給供朝夕

元云  
同上

### 汪有源

字惟清少酷貧廢學年十三受業杜朱川講孝弟章

可講學攜赴五松書院師祁門陳九龍受羅盱江集有得與

立尋居維揚起十州縣大會金陵數主陽明祠與焦澹園

為則詞色冲然平易近人來學者無賢愚皆嘉與之人人以

雲山蓋九龍傳經臺在焉學者稱崑一

### 周萬年

字世德恭節曾孫補邑諸生以紹先業明古學為務

## 寧國府志

## 卷二十八

人物志 儒林

九

有可裨教化者悉振興之滇南陶水部珙應詔舉賢良方正

徵君沈壽民為之傳  
並祀鄉賢 同上

### 胡泉

字曰水幼而失沽事孀母以孝處昆季以友恭生平品

名流莫不想其丰采所編刊如松嚴集宏詞偉論卓卓不羣

說而闡正學羽翼程朱  
信有功於孔孟 同上

### 汪尚謙

號敬齋明廩膳生裕經濟尚節義以伊志顏學自期

刑剖主事項如臯以賢良方正薦巡按御史劉熙祚又疏薦

不穀悼時會兮憂心蹙蹙賦流水以逃虛兮跡槃澗之邁軸

城沈徵君壽民講論心性之學  
謙卒壽民為作墓誌銘 同上

按古今人物儒林最難故仍舊志不復增減

寧國府志卷二十八

人物志

孝行

按舊志孝義一門特書六邑孝子旌表祠祀若干人義則牽連得書耳今易其標目統曰孝行蓋孝為百行之源言孝可以該義且大孝中孝小孝道本無盡量亦不同苟其一行可稱亦可附名不朽故於舊載原文絕不進退一人亦不增減一字新增姓氏則詳孝而畧義云

宣城縣

**宋許遂**

字伯通早孤事母盡孝鄉人勵其子輒曰汝獨不漸許伯通乎補將作監主簿遂子俞字堯言少失恃父所嗜

寧國府志

卷二十八

人物志 孝行

一

味遠邇必致隨計侍都下與其婦茹簷糲而奉饌頗珍公卿多堆俸佐之登大中乙卯進士授涇陽從事父疾篤躬任澣

濯居喪以禮聞嘗旅遊琅山僧院忽泣下問之曰念昔大人客此耳仕終大右令並祀孝子祠

**俞極**

字伯高聚族千指家法肅然同居者累世乾道中郡以狀聞詔表門并復其家所居岡下古木森蔚亭館雅麗

好禮喜賓客士大夫多過之有俞園之稱

**汪政**

累世聚居數百口詔加旌表蠲其課調

**明凌餘慶**

洪武癸酉以匠役京師聞母病劇夜焚香籲天卦股求療時禁嚴不得輒歸白于官以聞勅以所卦股付

餘慶妻兄楊添一持歸妻和糜進其母尋愈詔復役旌其門祀孝子祠

**梅應魁**

郡諸生性至孝父疾篤應魁禱於神願捐已筭益父比卒哀毀如禮既葬廬墓所蔬食水飲終三年始歸

祀孝子祠

**貢珊**

字廷甫家貧力學博聞性孝友母疾和藥嘗糞兄病疽吮之舉正德幸未進士知唐山縣抑豪强覈清河官地

以還民時以佛稱之入覲卒於京無以為殮同年友憐而贈之唐山民奔走哭奠爭出車錢護喪歸里立祠祀焉又祀孝祠子

**吳大經** 父宗周宏治間以孝旌傳詳儒林宗周宦臨江繼母父病癰吮膿嘗糞居喪骨立郡邑屢旌祀孝子祠

**陳希良** 字克忠邑庠生母病衣不解帶者經月及殯廬於墓人就廬問勞餽以粟帛祀孝子祠

**俞瓏** 字汝霖幼失怙母疾篤顛天求代割股和粥以進獲甦廬墓三年郡守以聞詔給冠帶旌之祀孝子祠

**孫顯道** 兄弟四人已析箸以季負糧繫官顯道破產贖之家二百終無敢言析者邑令黃謙給額旌之

寧國府志

卷二十八

人物志 孝行

二

**劉秉常** 字克守郡庠生先是高祖從外家徙居宣為衛官舍破產力白諸當道撫孤姪若己子人多其義年八十二預卜期沐浴而逝崇正間祀鄉賢

**朱時俊** 父夢桂病死數日俊痛不忍棺迫切求神願以身代成條鄰火及屋柱懼板焚胃火入俊抱父足以頭觸地顛大風遽反火滅祀孝子祠

**孫國訓** 母劉卒麻姑山廬墓三年虎張口瞋目踞其前署不為動祀孝子祠

**貢汝悌** 性至孝父疾嘗穢及卒廬墓三年郡邑表其門給孝子地祀孝子祠

**劉仲光** 字元敬事三人能色養課兩弟若嚴師未幾季卒孤舉進士不祿家故蕭然撫其子十餘年不倦弟仲輝同敦孝友自邑庠入成均嚴事仲光奉母六十餘年如一日母強之析讓肥取瘠人稱其式好云祀孝子祠

**費有時** 字子雨邑諸生孩年母姚病輒泣不食事父漢卿色不豫即長跪父多病好客而貧有時多方召客為父

歡弟性流蕩以母命終身不  
析著母卒廬墓所祀孝子祠

**徐棠**

字友之性篤孝父病割股  
居喪廬墓未嘗見齒歷任  
妻捐資賑荒廩祿悉散宗親  
令重之九舉鄉飲賓祀孝子  
祠守

**陸可宗**

字省我弱冠為諸生父叙  
粥田數畝析產日悉讓其  
上其事于提學御史

旌其門祀孝子祠

**梅士學**

字伯典萬歷舉人肆力羣  
嫡母得其歡心鄉居不入  
城市人以為不愧孝廉

**劉芳顯**

字孔昭父大成以孝友著  
母張曰才而困命也慎勿  
妄干人顯唯唯久之以文

見知於大學士劉一燦名  
籍京師問奇者如市壘所  
祖父母完諸弟婚且婚從  
弟以延叔祀自顯出遊三  
十年妻  
田氏操作當戶克  
成其志尤稱賢德

**沈壽隆**

字方平郡丞有嚴度子生  
宅與伯兄便者悉聽之家  
遭暴客隆衛母受傷仆地

寧國府志

卷二十八

人物志 孝行

三

幾殆母得無恙領天啓丁  
民舉賢良方正不仕明末  
攜友避寇亂遇害祀孝子  
祠

**黃石**

字圯公邑庠生家徒壁立  
皆手調躬為拭穢其大母  
亦病數年石親扶卧起湯  
墓者詳施閭章

墓碑祀孝子祠

**吳日通**

力敦友愛與弟日遇同居  
通沒又十年日遇終不忍  
析人稱為二難析日

**吳士琮**

庠生伯祚子父死琮方幼  
哭之慟遂自繪之數日盡  
得其狀已母又病痿琮貧

未婚親執爨母嗜肉膾百  
晝夜扶掖衣不解帶者三  
年祀孝子祠

**潘寧海**

字太乙家貧甫六歲父客  
海圖太乙像號泣中野後  
獲父墓於淮邳千里裹骨  
歸

母患膈於杭割股以救亦  
單身扶柩還族弟定海歲  
饑賣妻寧海假貸留之生  
二子衍其嗣祀孝子祠

**劉茂**

字時亨弱冠補諸生復入  
孝甫六歲母病禱天願代  
母病立起及長經財好施

嘉靖甲辰歲不納詢之婦  
少婦夜奔不納詢之婦以  
夫逋繫獄茂即捐資貸贖  
之

梅有振 字復予 母病瘵負而卧起者十餘年 兄歿撫孤踰應平生贖鬻焚券事不勝紀

姚汝弼 郡諸生 同郭忠信 講學修行 母湯氏 以節旌庭 有杏 湯所植 汝弼伏臘攀號 顏其堂曰 存杏耿督學 定 向從諸生 請祀弼於鄉賢 又祀孝子祠 子嘉藻 字國華 性至 孝 母老而目青 日夜扶卧 起伯兄病 痢奉搜器者 四旬 兄没 撫其子 如子 與季弟嘉穀 約曰 兄不可忘 父不可貳 酌庭杏 以盟 必無析也 後穀以甲子鄉薦 知武岡州 有廉譽 化猺洞 以禮陞 眞定 同知 歸建 義田 義倉 以濟貧乏

王朝諍 字國學 性篤孝 好義 少失恃 繼母仲 病劇 朝諍 割股 事舅姑 遂終身 不 更娶 祀孝子祠

戚學傳 父早卒 痛母孤 孀依膝 下怡顏 順志 母病 祝天 願 代嘗穢 求醫 母絕 復生 郡守蕭 從諸生 請白 巡按 柴 疏於朝 給冠帶 旌 其門 祀孝子祠

錢大用 家貧 至孝 奉孀母 姚四十餘年 負米承歡 如 武 字良智 淳朴 有至性 里人余慶童 與慧父雲 爲中表 洪 身請代 父行 父猶 豫不忍 決慧號 泣固請 乃召親 故置酒 與 之訣 哭而送之 中途爲 邏卒所苦 天忽震 電卒懼 不敢動 比 入都 繫詔獄 怡然 無怨色 尋赦歸

寧國府志

卷二十八

人物志 孝行

四

楊慧 武初慶童 以罪當籍 亡命抵雲 雲匿之 事覺 連坐 慧挺 入都 繫詔獄 怡然 無怨色 尋赦歸

國朝楊茂漸 字于達 家貧 父楚南 授書 母鄒 更課 以家人 產茂 漸 母每有所欲 不自言 茂漸 必求得之 乃已 母 卒 廬墓 哀號 感動 行路 尋以疾 終 祀孝子祠

劉一幹

字枝森 二歲 失恃 長力 田父 鳴鏞 八十 終廬墓 側大 治間 御史 衛元貞 按部 特加 旌禮 祀孝子祠

方達 字嘉徵 篤愷 砥行 以孝聞 母王 卒絕 跡私 閫侍 父雲 峯 知其非 曰柰何 以窳壤 委他人 父魄而得 金吾 勿爲也 他義 行 尤多 沈徵君 壽民 屢以詩 贈祀 孝子祠 按同時 有姜安

節以孝聞亦入祠祀傳詳儒林

**沈吉生**

於家貧業農父兄早卒母張患癱痺吉生不忍遠離備不食已輒不食每號泣田間人問之曰我胡貧竄至此無以為母養是以悲耳終身未娶而卒祀孝子祠

**王孟心**

順治初父汝芝為賊所劫孟心亦被創幾死賊掠其家所有挾與俱去中途留質其父縱孟心歸綯輸金為贖孟心至家鬻田宅馳一老僧勸之行乞不令賊疑當得號覓不得引佩刀將自殺一老僧勸之行乞不令賊疑當得所在從之逾月乃得父處贖之歸家由是貧自甘羸糲而奉父母極豐腆其父曰不死賊足矣何必爾且爾家豈復如曩耶孟心對曰某所業尚存幸無慮父母安之其實無有也及父沒母年八十餘衰甚孟心時亦老朝夕起居必躬親扶持年七十六卒祀孝子祠

**梅琢成**

字武修康熙丙子舉人父庚遊學四方琢成善事大泊山東夾馬營盜劫艘兼入庚舟持刃相向琢成以身翼父幾受刃落水而死盜驚其孝乃散去琢成兼工詩畫有默

寧國府志

卷二十八

人物志 孝行

五

軒集秋蛩吟祀孝子祠

**施譽**

字次仲宏猷次子生而孝友事長兄推甘讓少友愛甚篤兄歿慟絕復甦居母喪水漿不入口三日每忌日祭必哭上食必跪兄子閏章九歲失恃教育成名譽文思敏瞻用七藝補諸生尤工五七言詩有芳遠亭稿行世歲幾膳以賑族人助婚喪置榷座修同仁館置雲山書院田以供學者宏猷理學之傳賴以不墜

**李蔭**

七歲喪父事母至孝母病剖股和藥進之愈每遇嚴寒極暑勤溫清不退私寢

**金守興**

字起甫性慷慨有勇力幼事二人以孝聞父遭疾刲股愈之又遭母疾醫禱不愈乃引刀佛前剗股肉入

邑令王畿旌之

**蔡容**

字載之方伯逢時曾孫幼喪母哀毀成疾事父起居飲食必躬親隨父入山遇虎容左右翼蔽以身攫虎虎搖尾去父沒泣血三年既葬廬墓哀號聞者動容

**許鴻齡**

字延年力耕奉親甘旨必備父侗伯衰老善病支離床蓐中裹厠踰悉手為浣滌沈壽民嘗以方諸萬石

云君

**劉良俠**

字武功兒時即知承順父母稍長亦謹弟良偉掠於

賊覺縛良俠置江中沉浮波浪間竟日值漁舟救之卒以計

年虎屏跡先是良俠嘗割股和藥療母疾及母年九十餘病

中夢神語曰汝得起沉痾享高年者汝子股藥力也母呼良

俠詰之視其

臂刀痕宛然

**梅絮**

字成叔綿竹令國祚孫幼好博覽七歲生母亡未冠父

宦家女奩飾饒裕盡鬻以佐甘旨母意微不懌輒率妻子長

跪委婉將順色霽乃已及沒哀毀盡禮事其兄麟極謹肅不

問不敢對於鄉黨恂恂自下或以緩急告罔弗應年七十五卒

**劉汝鳳**

字景威邑廩生少從叔父振學博蒐強記家貧每借

寧國府志

卷二十八

人物志 孝行

六

婚娶皆仰給焉姊寡而瞽迎養終身族黨無後及貧不能葬

者皆竭屨佐之與人易未嘗見其怒色而持正無阿義所

在不以勢奪屢與修郡邑志皆矜慎不苟

歲薦及期而歿所著詩文頗富藏於家

**楊必遂**

幼失怙事母張甚謹家貧藉傭值以奉養殮怡然色

不給質衣減食嘗自忍饑寒而菽水無缺娶婦劉甫及門母

忽得痰疾親扶卧起侍湯藥歷五年足未嘗入嬾室母以寢

疾久遍體生蟣虱百計驅除不能盡口吞之仰天號顛

三日後遂絕病亦尋愈及母亡居喪盡禮哀動行路

**馮邦彥**

字楚賢邑庠生天性純至嘗羨股肉療父疾不效夜

已霍然起矣母早卒繼母俞嚴厲事之甚謹俞

旋亦感悟及父沒廬於墓寢苦枕塊終三年喪

**劉正思** 郡增生四歲失怙即知善承母志稍長孝謹益至母

未嘗離側康熙戊子里中荒疫宗族有貧不舉火者有藁葬

者其母聞而悲之正思變易田宅伺母意所欲軫恤者濟之

及母卒廬墓三年

劉允翀

幼喪父奉術主時對之號泣家貧備身事母一鬻

見母色不憚跪膝前奉杖請笞之婦亦叩頭謝罪願受責俟母意解然後起母卒終身無懼容

周日朋

字友生母早喪日朋奉其父朝夕膝下至長依如孺子寢處不暫離及歿居殯側三年

劉一韜

父母茹素一韜終身不踰百步外擗踊哀號墓前方塘比卒廬墓三年足不踰百步外擗踊哀號墓前方塘

濁水一夕澄清當道並額旌之

吳光祚

事父母養志承歡及卒三年廬於墓母嗜餅終身不忍食

楊一棖

好讀書時以不逮事父為深痛奉寡母數十年飲食寢息輒先得其心母病篤一棖晝夜憂泣百計營救

至舐糞驗之竟不起擗踊呼天嘔血數升一慟而卒

劉予鱗

字叔贊邑庠生盜以火劫其父予鱗躍入火中願代盜感其誠釋之子智錫字寅仲亦庠生嘗捐置義田

義倉族人利賴之

寧國府志

卷二十八

人物志 孝行

七

沈廷璐

字元珮徵君壽民孫負至性家貧嘗從桔槔榘上朗誦吳肅公過而憐之挈之去讀書城南草堂父公厚

往來粵東西授徒官舍時吳三桂反滇南孫延齡據粵西公厚覓歸不得流離奔竄音問寂者八年廷璐白其母曰不

迎父歸兒不歸矣時甫弱冠子身徒步出入兵燹行乞哀號者萬餘里踰年乃從貴州得見父與俱歸尋入庠詩文有名

當事聘為經師潔己自愛毫無請謁年八十一歿先是肅公將卒舉著書四十卷授之廷璐藏之不敢褻以遠館霉蝕撫

書泣而自訟晚年力疾檢草補訂臨筆每祝鬼錄展兩月庶可見吾師地矣功成裝演完好付吳後人遂暝

劉佩珩

字有瑋邑庠生父文友常遊佩珩侍母家居怡怡色養父歿家貧托業軒岐以供甘旨有女兄弟五母

愛之甚既嫁不忍離佩珩先後逆至家羅諸甥於前以為笑樂歲無虛日雍正初以賢良方正薦知浙江海寧縣不善事

上官未數月報罷後客京師卒

荀士蕙

天性純孝鬢年失怙居喪哀毀骨立廬墓十三歲始終如一痛母孀居妻亡不復再娶終身色養哀敬兼

至鄉人賢之乾隆五年旌



章振世 字羽飛 性孝友 同懷九人 終身無間 言父母欲依少

兄被誣 振世訟於制府 得直 父嘗憂祠祀 匱乏 振世中康熙

已卯武科 領坊匾銀若干 益以已稟 若干 捐為公儲 獨力經

營五十餘年 購田六百餘畝 祭器祭品 悉備 他如繕瑩 域葺

譜牒 興學 贍貧 皆取給焉 每遇歲祲 必輸穀以餉里中之餓

者 戊巳大疫 施棺掩殮 後遂以為常 並囑子孫 遵行之

沈善慶 父琮 生有文行 嘗掌教正誼書院 善慶母病 卧十年

師亦不赴 不忍違父也 其先世建靜菴石橋 歲久傾圮 善慶復獨力修造 以成先志

萬庸 字以祉 邑庠生 六齡失恃 繼母劉性嚴厲 事之如生母

既長 受鞭撻 無怨言 劉年過八十 寢疾 三載 庸亦六十

餘侍奉 忘晝夜 劉尋愈 悉其情 喟然曰 有子如此 吾雖無出

何憾 及沒 廬墓如禮 族人擬請旌 悉謝 曰 使庸有孝名 不將

被母以不慈名耶 鄉人益敬重之

以上乾隆府志

寧國府志

卷二十八

人物志 孝行

唐昌叙 七歲喪父 事母以孝 聞母當盛夏 病劇 昌叙目不交

以身代母 歿哀毀 盡禮 既葬廬墓 三年 學使朱學士筠 額獎之

梅思濟 字克臣 少失怙 事母養志 歿而廬墓 會大寒 族人扶

歸 七日 歿薛邑侯 贈以額 曰 孝行可風 並事實冊

李閔恭 十三喪父 家貧 資傭 值養母 遇有甘旨 必懷以奉 母

母 素多疾 扶持 滌穢 湯藥 必嘗 割股 救痊 者三次 母

歿廬於墓側 三年不歸 縣尹徐柳塘 親詣墓所 餽問 乾隆五十八年 旌

許以矜 家貧 業農 四齡喪母 事繼母 吳母 性嚴 先意承志 十

五喪父 母病 半載 嘗穢 滌污 顛天 求代 及歿 泣血 寢

苦哀感 行路 廬墓 三年 始歸 完繼母 二弟 婚嘉慶 九年 旌

貢懋昭 字冠五 植品 敦倫 承祖父訓 六世同居 由監生 舉孝

廉方 正嘉慶 元年 以孝義 旌歿 祀忠義 孝弟 祠兄

桂鄉 飲廩 子振

鐸候 補理 問並 司案

南陵縣

**晉**何琦

字萬倫司空充從兄年十四喪父哀毀過禮居於宣城

除郎中以選補宣城縣令母喪泣血杖而後起柩在殯鄰

火驟發烟燄已交撫棺號哭俄風止火息堂僅存鄉里遭亂

姊沒人家琦惟一婢便為購贖初仕以養母至是服闋司

**唐**蘇仲芳

太和父死負土成墳廬於墓側遠墳行哭羣鳥隨

寄安賢寺著戒行數年  
跌坐而化室有異香

**宋**李經

字天常紹聖元符間人母死廬墓工山躬執畚鍤垣

食幾盡視其人甚願雙髻碧眼既去後屬樵者以詩寄云一

林青烟低碧草門前列岫如藍掃種杏仙人去不還曾參空

伴道旁茅舍翁媪延入語甚欵且曰聞李孝子名今乃識之

寧國府志

卷二十八

人物志 孝行

九

按萬歷志云蘇李事舊懼涉怪  
也從孝順事實例存之仍載

**明**張昭

字斯明年十四父邁危疾割臂和糜以進獲愈及卒哀

橋賑饑諸義舉進士童寬為撰孝義傳恩授承事郎  
建坊旌表雍正八年詳請祀忠孝祠又祀郡孝子祠

**吳珍**

性友愛弟疾篤告天求代不出數日弟愈珍邁

**沈仲煜**

弱冠時母沒守棺不入私室比葬廬墓側朝夕哭泣

詹氏守節撫之成立年  
七十餘卒並稱節孝

**劉邦正**

年十六從哲病篤割股和藥又夏月思蟹邦正號泣

殞嘉靖四十四年事聞御史宋纁撰文  
遣官祭墓所扁書純孝祀郡孝子祠

**何炳**

邑庠生盜劫其家執父案欲殺之炳挺身出救遇害

**丁楨**

侍郎鉉之姪孫兄涿論死繫獄楨恐兄絕嗣請於官

願代涿死獄成知縣胡文靜察其枉白於當道破械釋

之乾隆九年

**曹鐸**

君年十六補邑庠生父歿於虬川九十而歿乾隆九年

旌祀郡  
孝子祠

**何正人**

晉孝子琦之後七歲時母病浮腫以手按之泣不已

墓三年事聞賜帛給冠帶旌之卒年九十附祀工山祠又祀郡孝子祠

**嚴大本**

割股療母疾及父母相繼喪廬墓三年縣令扁曰純孝可風里人建祠祀之又祀郡孝子祠

**秦本七**

名才字士英明初以鄰佑羅氏累閭門徒屯鳳陽滿期例編最長一人從軍有兩兄當長行本七不忍毅

然棄七歲兒於外家攜婦從戎陝西莊浪衛時國法嚴峻道中屢瀕於死越三年徽人江氏子歸自陝得書始悉其狀順

治間九世孫憲副仁管學使才管先後宦陝訪其後人至莊浪拜其墓其七歲兒名道三亦克敦孝義焉

**秦邦欽**

號養虛性至孝家貧無由得甘旨訓授生徒塾中每自減餐分以餽母博聞強記經史百家皆手錄成帙

寧國府志

卷二十八

人物志 孝行

十

以偃蹇文場  
憤鬱早卒

**汪元坦**

號洪川事親至孝親喪廬墓三年郡守旌以純孝濟美四字居鄉忠信耿介無諂無驕至今稱之

**夏守琅**

父早逝母崔教以詩書不願仕進力耕養母無故不去左右母卧病守琅憂皇求救形瘠骨立母怒曰汝

若是欲速我死耶乃強為歡笑以寬母心夜則伏地籲天求代及卒哭殞苦次久之始甦後葬母於蕪邑彭村築廬墓側朝夕視膳如生逾三年猶不忍歸親

友強掖以返蕪文學崔彪為立傳

**黃思齊**

父濟遭仇誣陷流播遷思齊甫弱齡跬步追隨年十三誓不與仇俱生齧指血上書控父冤巡撫耿公

朴異之面鞠所以惻然動容竟得平反父沒廬墓三年人

**陳大任**

父性嚴峻先意承志得其歡心母何疾久不痊割股救之逾年母故事繼母俞進則承歡視問以為常退

則追痛生母吞聲飲泣久之致疾垂絕有道士投丸口中拊其胸呼曰爾忘爾父耶遂甦嗣後孝謹愈至隨在婉容幾諫

倍極苦心至凡周卹族黨好行其德而不自居曰此吾父意也人益賢之

曹七善 邑諸生事父孝嘗於姑蘇旅邸獲徽商所遺八百金

年以孝旌

國朝秦鳳儀

字斯來九歲喪父伯兄繼亡弟在襁褓母宦性嚴督課不稍假鳳儀讀父書痛自刻勵以悅母心為文清

堅奧博時司李黃公尊素攝郡篆奇其文拔冠軍領天啓辛酉鄉薦公車屢躋資館穀以供母自與妻子半菽不飽忻如

也順治丁亥子仁管才管同舉進士官部郎祿養所入又以濟親族著述甚富嘗與修邑志年六十四卒門人稱曰仁孝

先生祀鄉賢祠

黃鼎

庠生福子生五月父歿未嘗深讀書而天性仁孝母楊苦節中年病瘵寢展轉皆憑人力鼎事躬親十年

如一日母長齋並絕鹽醬跪勸頤養宜肉食不許亦茹素終身母性素嚴病久益十悉鼎嘗於榻前受杖無愠色母卒

哀毀終喪無笑容得素果食必泣獻於墓

施烱

同懷七人烱最幼十歲時父被寇害甚慘烱抱尸哭踊絕復甦者再寇為感動釋其家而去事母尤以孝聞析

寧國府志

卷二十八

人物志 孝行

爨惟伯兄命第三兄早世撫養其孤女擇配嫁之資送一如己女乾隆九年旌

劉宏業

幼喪父事母篤孝與兄宏基友愛特甚順治中兄弟俱試一等奉文於一等內舉三人充選貢宏業第二

宏基不與業固讓兄學使嘉其義允之業至癸亥始貢授訓導舉鄉飲大賓

劉士珙

年十八父亡母患夙疾珙侍湯藥惟謹年餘不入私室母沒不御酒肉者三年

方正範

字憲甫父初元績學未售正範承父志勒誦習著有太極圖解西銘通旨諸書母章病割股進潛禱於神

願以身代夜夢神語曰帝許活爾母矣未幾正範卒年三十有七子二代長倬次伸倬六歲而孤哀毀如成人母李善病倬

侍奉數十年如一日割股作糜不自知痛篤愛弟伸不忍刻離伸就試倬每負囊與偕伸子于璟隨宦汀洲伸奉檄會城

遘危疾璟糜股和藥食之頓愈福州守顧倬為作誠孝說

姚舜日

初業儒繼業賈兄弟五人舜日居長父因食指日繁舊逋日積幽憂致疾舜日跪請曰父所憂者兒知之

兒願產為均分債獨兒任父母兒膳之幼弟兒撫之可無憂也父躍然起曰能如是乎吾復何憂因召諸子詔之父病遂

愈後舜日雖支撐無術亦欣然無愠色父母卒喪葬費仍出一已不諸弟問郡守周日宣給扁旌之年七十餘卒卒時猶諄諄訓子  
誨孝義云

**夏曰瑚** 邑庠生事親至孝親沒結廬墓側順治丁酉洪水為災曰瑚責糜舟載沿堤餉之嘗應闡試同寓諸少年惡其方正一日與之步月輒登妓樓曰瑚初不知也少年先予妓金令肩戶百計誘之終不可少年始服其操

**王際康** 字五清事父通篤孝痛母早死終身侍父寢食跬步不忍離中衣廁踰躬自浣滌有疾衣不解帶顛天求代登康熙乙丑進士告歸終養吏部以中書擬用堅不赴選父沒居喪委頓服闋謁選得雲南祿豐令道病卒先是邑人困於里役賴主持行條編之例  
至今人猶感之祀郡孝子祠

**朱飛霞** 素行醇謹尤以孝聞父病篤衣不解帶四十餘日齧左臂以進始痊母張病篤又割右臂進亦立痊後居喪一遵禮制骨立莫支邑令杜給額旌之

**程萬昇** 孝事瞽母病亟羹股和藥病愈而目復明母沒廬墓三年父沒亦如之嘗有虎臥廬外蛇繞榻前習不為

寧國府志

卷二十八

人物志 孝行

十一

異邑舉孝廉臺司屢檄旌獎

**劉應熙** 字廣起光祿楷長子性篤孝負才通敏諳大義初楷將之官念孀母趙年高夙疾不得迎養京邸熙甫弱冠請曰大人行矣晨夕大母左右兒責也侍奉閱十餘年不使父有南顧憂楷告歸奉母熙乃以廩貢教諭東流舉卓異陞山西壽陽知縣是年癸未父壽六十或促之赴任熙曰柰何以五斗易此一日歡也竟以遲限停俸且未得與

萬壽覃恩封典恬然不為意弟運洽邁病親視湯藥數月不倦在東流聞弟應湛病亟買舟歸風逆不得進徒步遇雨陷泥淖中不顧也秉鐸時嚴立程課以主持風教為已任護邑篆墊數百金充楚餉令壽陽豁免虛丁三千有奇井陘有執鞭者以罪論抵察其誣辨出之復

舉卓異候陞知州俄疾卒  
**戴廷瑤** 年十五母王病割股以進逾年父永備患蠱疾又割股凡五次父尋愈越五年復疾醫藥罔效又屢割焉  
肉盡骨見  
人皆憐之

**陶德澄** 幼喪父與母馮相依左右奉養母病篤割股  
顛神百救不起居喪三年晨夕哀聲徹遠邇

孫仲遠 邑增生母歿委頓苦次幾致滅性父喪廬墓三年伯

乃白家非素封遇族戚貧者悉力周之崇正末饑人枕藉道

路倒困以賑舉家粥食不顧也學使王公同春優舉孝廉乾

隆六年旌祀忠孝祠子光祝光祀光祚悉遵庭訓敦行讀

書光祝嘗割己田為諸猶子膏火費諸猶子感奮力學或領

鄉薦或食廩饋孝友肅

雍人推萬石門風云

查贊臣 割股救祖父病祖沒廬墓三年邑令旌之

程之鑑 年十六割股救祖母病病立愈又三年始卒

汪燦 邑庠生四歲喪父繞棺悲號不止年十七淪股肉療母

寧國府志

卷二十八

人物志 孝行

十三

馮希俶 父益鵬病三月幾不起俶以股肉救之愈又十有七

排解紛難尤好行陰德云

葉正萃 三月而孤母周守志以哀勞致痿痺正萃左右扶持

以為常及歿擗踊哀號如醉如痴既葬寢處墓所時或

大哭以歸不移時又哭以往路與人語弗省也尋卒

秦柄芳 母病藥餌無資私進以禮時號泣田間晝出傭工夜

宿墓下三年父卒復然

朱國賓 父卒廬墓三年始歸邑令表其門

張文侯 農人也母病家貧無以市藥乃

張雲鱗 邑庠生十歲喪母哀毀如成人事祖母如母事繼母

俞一鵠 庠生父母繼歿前後居廬泣血茹蔬一遵禮

張雲鱗 如生母念父攻苦未售一意向學尋入泮有延之遠

館者曰吾不忍遠吾親辭之安貧養志于如也居父喪一

秉古禮衰經三年自初虞以至除服每祭莫必有文酸音楚

節人不忍讀待異乳弟

不啻同懷尤人所難

吳尚灝 忠臣景後父母俱亡既葬廬墓三年不歸知縣楊必達訓導湯原清嘗詣廬次訪之旌曰忠孝名門

吳一開 病年十五父病謹視湯藥不解衣寢者兩月

何士闕 篤於孝義康熙初族人何滿盜葬其祖母塚士闕訟之官三年不得直撫憲檄南繁兩邑令會勘滿健訟

仍未白士闕大慟觸碑而死兩邑令義之勒滿起棺題曰義士何士闕墓

張裕 明經忠義仲子生有夙慧祖良浩病亟忠義籲天求代裕始八歲聞之泣曰父不可死兒願代父以代祖隨向

天密禱未幾果病家人強以藥吐弗咽曰祖病未痊吾何藥為且吾業已告天矣病七日垂死囑人曰毋令吾祖知遂卒

知縣康五瑞表其閭學使張公廷樞書孺孝型俗旌之

陶達 郡庠生十五歲時母陳病篤與兄成忠百求醫治不效乃各割股和藥以進病果痊兄弟終身友愛無間族黨

之稱

陶性 字躬仁邑廩生孝友性成砥行飭躬一以古人為法父病晨夕顛神減已算以益親年病旋愈居喪哀毀杖不

寧國府志

卷二十八

人物志 孝行

十四

能起茹素三年絕跡內室叔輝祖年最幼事之如成人不敢稍忽友愛兄弟析產推美讓腴人謂薛包不是過也歲戊子

大饑鬻田糶穀以周族黨鄰有鬻妻者出館金留之工詩善書恥事干謁鍵戶一編吟哦自適辛丑預修邑志尋以疾卒

汪炳 字瑤仙邑武舉襁褓失怙事孀母王曲得歡心母病劇

往自充母沒弟求析箸田廬惟弟便者聽已而弟亡姪貧甚仍分已田與之康熙戊子歲大侵賑穀數百石不足糶於外

江以繼焉

徐強 雍正十三年旌

汪元霄 乾隆二年旌

何繼淳 字孺初庠生居家孝友歲大侵出廩穀以活饑者鄉人俞二曹滿坐冤獄妻子將離析繼淳出貲力白之

全其家乾隆四年旌

朱懋陞 年十三母病輒號泣不食後父病隆冬思食鮮魚懋陞不避風雪百方求之數日果遇一人持雙鯽至喜

而歸予之值其人忽不見衆異之及歿寢苦不離墓側族人憐之爲結茅以居服闋強之始歸繼母性嚴晚得瘋疾懋陞與婦奉事惟謹嚴寒酷暑每夜數起如是者二十餘年巡撫趙給額旌之

### 葉大雯

附貢生母早喪如母喪有庠弟二俱幼大雯篤愛之鞠之不啻同乳弟聖功早世撫其碎歲遺孤逾於己子嘗捐修明倫堂費至三千餘金藩司擬咨部優叙大雯力辭曰此吾父志也敢以已沽名哉制府尹以義敦孝德四字旌之又嘗助家廟基建饗堂大雯不忘先志復加繕葺以潰於成兩

遇歲饑捐賑減糶皆千餘石他若築堰建橋斃路諸義舉不惜傾橐爲之臨沒猶撿券自焚戒其子曰我先人世傳忠厚若等宜恪守之

### 王元超

監生天性純篤父母並登大臺曲意承歡有老萊風事吾母無他語兄弟並業儒元超佐父治家及析產讓受約嘗遇歲臘有過客失貲啼於路郎出已貲賙之父喜甚族人瀛彥任海鹽令虧帑爲助補五百金又族有枯骸棹毀買地易槥以廬

秦炳 邑庠生七歲失恃一慟昏絕柩厝宅畔每就塾歸必往哭父年七十患膈症不能食炳亦不忍食及沒廬墓父在時命析簪已而兄卒遺子女各二俱幼復合爨撫育成立篤念從子單寒爲之授田完室葬無後者五喪戊子大稔鬻貨以給賑總理祠事一族服其公正

## 寧國府志

### 卷二十八

人物志 孝行

十五

### 章有才

字猷吉八世同居三歲時人與以菓餌必與羣兒均慕之初弟患疾一夜十往湯藥必親子姪繁衍各視其質之所近授以四民之業家貧服食常患不周少者每讓其長者內外九十餘口暑無間言家畜驢牛同欄不相蹄齧人以爲義所感邑令段旌之

### 楊思通

家貧力耕以養親父染痢侍奉數十晝夜值暑月蚊不起厝柩舍旁晨夕依戀號泣母老而病承奉益至沒後與父合殯號泣亦如之事二兄友愛有事悉以身任弟抱羸病已析復合變產以供藥餌無恹容身後無嗣弟婦苦志推次子桃之嘗捐已地建家祠尤克成父志云邑令宋廷佐以額

旌之



以上乾隆府志

施斌

炳三子生有至性父疾奉湯藥寢食俱廢父歿事母加謹逮喪寢苦枕塊不入私室結廬守墓三載凡建祠修

橋悉遵父志乾隆三十六年旌

王鬱林

字龍標邑庠生候選衛千總七歲喪父慟哭幾絕及壯嫡母劉病疽口吮膿血生母何患痰疾喘吁危急

籲天求代及歿哀毀盡禮乾隆三十七年旌

朱玉成

家貧百計謀生以供親膳母歿泣血苦次父歿廬墓三年後以勤儉稍積貲嘗嘆曰昔不足而今有餘無

補也乾隆己卯歲荒出金數百兩給散貧乏邑令額獎之壽至九十八歲乾隆三十七年旌

秦永芳

字恒士循子職敦人倫承歡不懈終亦盡禮乾隆三十七年旌

張燦明

採樵供親甘旨必備父母沒躬負土營葬墓旁忽蛟發迅赴洪濤卒保無恙乾隆四十二年旌

以上據採訪冊增

寧國府志

卷二十八

人物志 孝行

十六

何孝定

家故貧傭耕以養父母父歿慟哭欲絕以母在節哀自是跬步不忍離寧簿值傭近地便定省焉主人食

稍美必袖以遺母主人憐其孝輒多予之及母病百計醫禱卒不起日夜號泣水漿不入口既葬廬墓三年族人挽之歸

猶日詣墓所瞻戀不去年踰八十如孺慕云

張永達

字孚公邑諸生早喪母哀痛如成人父朝旭鱗居且病足扶掖者數十年父歿合葬廬墓學博張曾壘為

之傳司訓汪慶禋贊之

柯學韜

性誠孝生母王卧病兩載親嘗湯藥不假他手母歿哀毀盡禮事繼母汪一如生母能以誠孝所感縣

廬墓三載時有碧雞黃鹿馴擾墓前人以爲誠孝所感縣令馬國雄以仁孝可風學師陸成岑以孝思不匱匾獎之

以上據事實冊增

涇縣

唐萬晏

以孝弟稱數世同居詔表門賜束帛有司歲時存問並復其家

**明朱慶福**

母蕭氏生母董氏蕭病篤福傷貧甚惟股肉不須錢卽割左臂和糜進之尋愈時年十六祀郡孝子祠

**徐賢**

字思聖以歲貢領宏治壬子鄉薦母寢疾焚香告天請以身代後母痊家貧就教職以養母告歸母年九十九卒之日賢亦卒祀郡孝子祠其家傳三月卒

**趙寵**

邑庠生歲貢入胄監父昌為布政使卒於官迎櫬入門族人信巫覡沮之寵哭爭如禮事母胡景夕侍側以終其身祀郡孝子祠

**王鏞**

字鎮之知府達子嘗侍父北上路遇盜以身蔽父善言曉諭盜引去武昌藩王聘為儀賓以違親弗應邑令欲置民兵數百鏞正言止之得寢

**徐士傑**

母周氏病危割左股和藥病愈及父卒廬墓終制巡按楊公鼈獎之祀郡孝子祠

**翟質**

侍孀母疾經歲衣不解帶割股救治不令妻挈知之

**洪希泌**

一歲而孤母他適伯汝鉅撫之成立伯病劇割股和藥以進越十載伯卒哀毀同從兄廬墓三年祀郡孝子祠

寧國府志

卷二十八

人物志 孝行

十七

祠子

**趙桂枝**

年十三丙戌春避亂遊兵執其父露刃索金桂枝出叢薄間抱父兵以刃揮之號泣不肯釋俱被害祀郡祠孝子

**成蛟**

字子潛弱冠與兄虬為郡諸生最友愛明末叔兄遊宦客死兵亂道梗蛟備歷艱險入閩扶櫬挈孤寡以歸長兄貧老無子又多方力佐之

**汪廷杲**

孝事寡母樵采以給年十三母病割股以進及卒殯送盡禮并歸葬父祖終身哀慕年逾八十卒

**趙夢鱗**

監生事祖父極孝嘗割股療祖疾又為父士禮輸穀二千石事聞建坊旌之

**程榮**

字好信御使富兄父彥民疾劇醫云須得陰陽血和丸服方愈榮與妻凌氏夜焚香祝天各持刀取股血烹進

父病果愈

**陳伯**

父年八十患喘疾伯夜定其左脇出肝熟而進之父病漸痊創亦尋愈邑令李鸞勒石誌其事

王守恭 年十二割股救母府縣旌之

劉際祥 增生家貧事繼母盡孝

沈萬宰 字坤元父暴疾嘗穢知其苦以告醫者父病竟痊父母繼卒咸廬墓事聞被旌祀孝子祠

國朝

趙名耀

諸生年十歲母疾潛顯天求代母故亦如之於兄弟族痊父故廬墓三年不避虎豹母故

黨存亡繼絕於鄉里戚友尚義好施卒年六十三乾隆十八年旌

胡堯齡

一苞孫附貢生父以應試卒於江寧時年十四兩晝夜奔喪所扶柩歸竭誠養母年六十居母喪而移葬高

篤哀毀成疾廬墓側晝夜呼號嘗夢大水浸棺覺而移葬高處不一月其原葬處蛟起諸墓漂沒堯齡親墓獨完又兩年

以哀感卒雍正七年旌

洪守伸

字屈若父兄俱早世善事母及孀嫂撫姪士茂士萃如子茂亦事伸如父伸母病刲股肉以進母嘗之甘

病愈有賊劫其家伸當門泣訴丐勿驚母願罄所藏仍令婢挈資遺之賊感動不忍竊而去母卒號慟三年雍正六年祀

寧國府志

卷二十八

人物志 孝行

十八

孝子 祠

趙敬

字子修八歲喪父事母孝自少壯至頽白敬愛如一日先意承志凡助賑掩骸修學宮置祭器養孀嫂孀妹為

立孤成家皆體母意為之母性嚴稍有厲色即長跪引咎俟色怡乃已母與嫂並以節旌敬亦以孝於乾隆十年旌人

嘆為一門孝節

左鈇

兄弟同爨季弟早世遺一幼姪有以人命誣其姪者鈇匿姪挺身任之數被拷掠親屬咸謂姪終不得庇鈇曰

吾已有子弟止一孤我死以代姪可也會鈇死事大白姪得免

施雲攀

年十二割股療母邑令旌之

汪尚鏡

年十二割股救父不效又十年鏡卒

汪九璽

父卒孝事嫡庶兩母撫教三弟成立邑令鍾鼎旌之嘗山行遇虎弗傷三人並坐樹下適雷發殛死二人

廬獨無恙兩鄰並火焚璽致廬獨完人以為孝感所致

翟時邦 少貧初刺舟後業農衣食不給奉親必備甘旨其孺慕之誠定省之禮雖讀書知禮者弗逮即設兩爨

不共食邦再三諫父欲撻邦乃請自撻父終不聽即聞之咸竭力奉養父母繼逝自初喪迄禫祭哀感路人守令聞之咸

加旌異子四人天性純篤並有父風

趙善彩 字白生庠生少喪父哀毀如成人事母孝終身孺慕如一日事孀嫂以禮教幼弟成立分爨推肥取瘠周

卹族黨有求必應康熙三年巡撫張朝珍給匾旌之

鄭乾祥 庠生年八歲父患瘵痺手不能舉每食必以箸進之親滌溺器冬更溫之於懷父亡恐觸母悲獨之野外

痛哭母嗜魚課徒之暇自釣作羹以進自啖粗糲隆冬身無厚衣而奉母備甘旨歲時祭品必豐潔上食時痛哭如初喪

鳳天佑 監生父病十七年日侍湯藥不避污穢父沒哀毀骨立

章元祀 父母少亡祖母病瘳不能行左右扶掖跣步不離者二十餘年及卒廬於墓

馬三錫 字懷侯歲貢生家世以孝義聞自幼苦讀事繼母曹每事必咨出入必告時戒其婦勿逆勿怠一日母姪

寧國府志

卷二十八

人物志 孝行

十九

來謁衣衫敝甚詢知以貧迫鬻身母含淚隱忍三錫為轉貸贖歸并厚卹之母染目疾幾盲三錫偕婦每夜虔禱達旦母

目漸明年八十餘卒邑人公請入水西書院從祀先儒

汪子杞 字少泉年十五父卒結茅廬墓側晚捧父所授書焚

歸具薪水供母如是者三年母毀其廬乃歸與弟析爨擇腴者畀之以瘠自予為邑鄉賓卒年八十有二

包大典 家貧授徒性孝友父早歿母育竭誠虔禱母目復明

鄭一左一右 業樵父遠賈疫死兄弟間關覓骸荒山伏亂塚號泣八晝夜夢神告以柩處得攜骸歸

鄭槐 鬻妻贍母以半為母置壽棺已疾危或議以母棺斂槐曰寧僕葬勿用母棺遂從之

鄭孝 業磨腐父嗜酒孝於腐擔懸一瓶每賣腐得錢必沽酒歸餉父此雖細民一節之孝錄之以愧富而不養志者

王佩 字衷度庠生性至孝年十二母病篤割左股療之愈逾兩年度庠生又割右股療之愈淹貫五經尤精於易

胡尚策尚簡 母病劇策年十三簡方十歲各割股以進竟不治兄弟並哀毀過甚相繼而亡邑令蕭表之曰

兄弟  
純孝

查先登

字於岸貢生父疾與妻翟氏各割股以進  
隨愈又嘗讓腴產於兄鄉黨推其孝友

王世耀

嘗剖心  
救母愈

舊縣志又有王秉政

字以德

鄭守縉鄭守志查志第

崇正間  
諸生

胡天棟

字維幹

洪有彪洪一景

字觀公

洪苞

字儀生

葉兆恩

字君予

生

徐采徐慙徐翻徐元首徐文芳徐鐸胡允忠

妻鄭氏以  
節孝著

汪尚繪趙廷擢馬廷珍江天訓皆以割股聞廬墓者又有

鄭鍵

字藏我

趙懋貞梅輅趙汝澤查本固五人他事實無徵

附錄於此

以上乾隆府志

寧國府志

卷二十八

人物志 孝行

二十

文世震

字東山父居講得癱瘓疾震方八齡母迫饑寒他適  
震哀留不得日採樵以養已茹野蔬而父食必酒肉

抱持便溺不避垢穢者三十三年嘗入廟為父禱神廟側有  
虎蹲隔溪人望見驚號震不知也又一日入山心動奔歸火

焚其廬震突入負父出得無恙父卒哀毀喪畢族人釀金勸  
之娶震佯諾之乃以其金託族姪三俊擇地葬其父祖以上

凡七棺乾隆四  
十五年旌

朱武東

字陽生父早卒家貧採樵供母母得瘵症艱於坐立  
出樵則負以託鄰回則負歸一日東在樵所忽心神

驚悸急歸而母氣絕抱持痛哭母竟甦孝事者又二十載  
母歿後負草卧墓側三年八十六卒嘉慶三年旌

王帥

年十歲時隨父謀食異鄉父病帥視湯藥晝夜無間父  
卒願質身坂資以扶榻歸主人憐之厚賻焉歸後傭工

以養其母歲饑鋤蕨春粉易米供母而自  
食蕨滓母卒廬墓三載嘉慶四年旌

查殿英

字景琦監生少從父世熊服賈聞母病一晝夜馳三  
百餘里歸母歿哀毀踰常繼母阮氏英率婦王氏謹

事之阮又多病顛天請代父染瘋疾沉臥牀褥者六載英夫  
婦侍湯藥無倦容父卒樞在堂適鄰火起英撫柩長號反風

滅火得  
無恙

**洪維陶**

週歲時父買蜀久無耗陶年十五辭母尋訪不得念母缺養仍歸樵以供甘旨母病篤刺左股進得愈母卒廬墓三年時年已四十矣欲復入川尋父族人憐其孝而無後強止之為娶鄭氏生二子遂囑妻以祀先訓子愨然入蜀聞父叅禪峩嶺往從之不值以勞瘁客死

**翟彩令**

五歲母亡父病癱煥因乞食族人樹滋憐而養之仍給飲食使持以餉父年十二頓謝去曰吾漸長可以力養矣乃採薪販菜計日積資備酒肉以進有餘錢必呈父儲於笥父甘躁時欲笞之則急跪以頭撞地父卒鄰居謀飲助力辭之出前所積笥中錢營葬具合葬

**葉際時**

字盈仲監生年十三父錦病篤醫藥無效際時衣不解帶晝夜奉侍仍刲右股和藥進果得愈

以上採新縣志增

寧國縣

寧國府志

卷二十八

人物志 孝行

**宋何自興**

實祐間父元貴疾禱於神刲股以進越三日愈縣令余燦召其父子至庭飲食作孝行歌訓邑衆云祀郡祠

孝子  
祠

**元周淳卿**

躬行孝友親歿於墓側築永思亭哀慕歷九年不改宣城汪澤民為文贈之祀郡孝子祠

**明吳惟賢**

父歿躬負石輓墓道廬居三年所居石村山房有梅結實而甘人以為孝感作甘梅詩祀郡孝子祠

**屠義民**

字皞卿邑廩生與兄義英極友愛喪母哀毀三年不離苦塊祀郡孝子祠子元諧亦廩生事母袁盡孝居

喪廬於墓側兄元誠疾篤躬視湯藥不起力襄後事

**汪文英**

字日賢五歲失恃哀毀如成人見者為泣繼母徐嚴甚彌敬事之父潤歿英寄食外家兄文光以時資給

及兄卒鞠育其二子備至每私語家人寧饑寒吾子母饑寒吾猶子里中謂其家有元氣祀郡孝子祠

**黃一榮**

父母病劇割肝療之及卒毀廬墓崇正九年督學御史楊公旌其廬祀郡孝子祠

**何應元**

讀書自好孝以奉親母歿廬墓側極終身哀慕之誠後以貢就白下教職遷蜀令有清名自蜀歸省親墓

有別業貯穀數十石饑民分奪而去元知其人不問

### 汪承佑承穀

庠生幼稟父訓躬行孝友痛父歿於宦邸體清白之志不受賻資祐婦奩資頗厚以父產盡予

穀無吝色穀亦推讓再四後以廩餼終

### 劉邦基

崇正時諸生幼失怙既而母亡廬墓三年甲申五月復依墓側三年有天寒慈竹悲殘雨霜冷孤鴻叫斷

雲之句著述甚富甘於荒遯不知所終其門人桐川陳啓曉約畧記之

### 章之煥

候選主簿母歿結廬於墓如生事之無間晨夕壁間有聯云夜雨沾襟和淚濕秋風號樹倍哀鳴又三年

香結松稍網半夜燈青月影圓今遺跡猶存

### 國朝饒宗良

字直生少孤事母孝年二十遊學白鹿洞歎曰吾寧不古若哉從汪有源講學躬行醇恪見稍可與語者

必誘掖之嚮學乃已家酷貧建家廟族推筭鑰經費毫不自私衆服皆就約束年六十一卒無子門人祀之

### 楊正芳

字競秀喜讀書尤耽書法性溫潤事親朝夕定省未嘗少懈幼時祖病刲股以療解紛恤貧曲全姻事至

## 寧國府志

## 卷二十八

人物志 孝行

二十二

費縉不惜有妹適陳達女適陳必第俱早孀正芳經理其家事數十年咸謂善士云

### 程良振

父早亡事母張氏盡孝母病刲股朝夕侍問及歿哀毀骨立屏葷酒廬墓三年邑令陳主策擬請旌振曰

孝庸行也以此市名何忍焉事遂寢仍構小廬繪雙親圖虔事年踰七十猶嬰兒泣云

### 徐時寬

幼讀書性至孝家徒四壁習賈業以資滌灑父年耄有足疾日夕扶持不倦居喪哀痛毀瘠廬墓三年巡

撫張給額旌之

### 陳本森

字子林母周氏孀居五十年中風臥蓐十二年森侍飲食衣不解帶夜就床下席地而睡邑人有節孝

一門之稱

### 胡曾琦

性至孝母歿屏絕葷酒終身父命遠出忽心動奔歸則父猝患中風得面訣後以廬墓哀毀而卒雍正八

年旌

### 程鵬

字扶九庠生性孝友生平力行善事自賑荒周急下至醫藥橋梁施子無算諸孫曾在襁褓者亦知以乳相讓

一兒不食則均不食云子書  
詳文苑傳孫丙然拔貢生

### 以上乾隆府志

### 旌德縣

**唐楊愼**

光化中試太子校書行義修飭自唐太和至宋乾道  
闔門義居累千百口代從蠲除以孝友世其家

**宋呂鏜**

字夢祥幼孤事母以孝聞嘗遊宿毫間客潘氏不御酒  
肉問之曰鏜遠遊親養勿給敢自享厚饌乎乃慷慨作

歌曰數千里兮客王畿忘甘旨兮親庭幃歲云莫兮音書  
稀魂欲斷兮白雲飛歌數闕泣下政和三年入京上書請嚴  
生子不舉之禁宣和初復論之從弟鉞嘗為鏜著實德居士  
傳及以布衣登朝宰相問曰非所謂實德居士者耶薦授潞  
州士曹調鳳翔府判官祀郡孝子祠

**汪文諒**

字叔達累世同居凡一千三百口州上其事詔州縣  
存撫賜以百金諒兄弟感歎曰吾家治農未有一士

應上之求者即以所賜金購書藏之子孫由是貴  
顯按省志萬歷志俱作旌德人康熙志入涇縣

## 寧國府志

### 卷二十八

人物志 孝行

二十三

**郭宏寬**

字幼度原名天鐸隆興進士  
聞父喪倉卒奔歸廬墓三年

**明張道榮**

字文魁性孝友祖貞應邁病道榮以身代為禱父患  
痢親為除穢及卒哀毀骨立母傷跌艱步日夕抱持

親奉飲食汚衣溺器躬自澣滌及沒殯禽墓側結廬守之正  
德間有司以聞詔表其門祀郡孝子祠省志作涇縣人

**戴三元**

父品以黃册事逮赴獄三元與兄刺隨至京鞠問  
當刑兄弟爭請代卒以三元代父死祀郡孝子祠

**江休**

永樂初父坐事質刑部臨往屬諸子後事休泣請代父  
曰吾老矣柰何以强壯易我休泣曰昔緹縈一女子乃

能身贖父刑吾何忍不為父死竟詣所司訟其事得釋父嘉  
其孝厚賫貲產休曰此人子分內事因以為利可乎辭不受

祀郡孝子祠

**周伯諒**

母病血痢數年躬自浣濯父母沒後銜悲至  
老郡侯蕭良譽追獎扁曰崇孝祀郡孝子祠

**張廷翰**

幼失父七歲授小學至文王事王季問師曰此可行  
於今否師云何為不可翰即每日鷄鳴盥漱衣冠侯  
母聞聲輒欣然去或微病不食翰亦不食母沒四時薦  
食如生郡守羅公贈詩有慈母眼中先者淚嬰兒膝下老萊



心之句祀  
郡孝子祠

呂賜宗

出母病封股療治禱請身代兄奉宗無嗣撫遺女若已

為兵備副使侯所褒異年  
九十三卒祀郡孝子祠

呂文奎

母病劇謹湯藥以身代禱神而愈及親故

鮑邦志

字君繼幼時母病割股以療數載母復病劇持刀抉

孝行異等巡按龔上其事賜冠  
帶郡守徐大儀為建孝子祠

張廷旭

父母病殆皆泣禱以身代及父沒

張昌

父病彌月不瘳取糞嘗  
之病獲痊祀孝子祠

江壽蔭

母邁屬幾死朝夕調護目不交睫迫切哀禱

江添宗

字文昌幼稟至性父傳任河南洧川縣教諭有疾添

寧國府志

卷二十八

人物志 孝行

二十四

勉立朝大節繼伯父後貲產頗厚均分昆季無私父欲治家  
廟家塾義塚克繼厥事臨卒囑子孫以孝友顏於堂涇邑左

鎰為  
立傳

呂崙慶

母病劇不能起床第崙慶以手承之夜

任期保

一日父杖之喜而受退而泣人問故曰父老矣杖我

呂茂蔭

父病革異母弟甫三歲父屬茂蔭善視之及父卒撫

私所

劉伯茂

兄業賈負債累千金債家蝟起躡之伯茂曰我在而

授弟子於里  
中怡如也

江景宗

家貧力耕以養親父病危嘗藥號天請代父故廬墓

之門舊府縣志俱遺乾隆十一年五世曾姪孫素攷  
明史統志省志呈請邑令蘇一圻奉主祀孝子祠

芮國憲

父赴部屢懇未應選被仇搆謀斃獄國憲年未冠赴

王懋畿

父病三年躬奉湯藥不

姚偉昌

幼喪父母哭亦哭既而勸母節哀以乳弟及長善事

張時獻郡守張德明兵

皇甫應興

南九齡父病篤請以身代尋愈敬愛二

饒遂興

醇謹好施家風肅穆子孫百餘口

江廷謨

字克顯母病晝夜籲天祈代藥必親嘗衣不解帶者

孝子祠

洪敏

居母喪以棉塞耳逾祥不

劉光煥

附監生工交母病嘗藥朝暮禱代尋愈又置田四十八

寧國府志

卷二十八

人物志 孝行

二十五

卒詳焦太史

江純

庠生事父母曲意承順父母故好行善純竭

周志澂

伯鏗子庠生孝事後母取

國朝郭冕生

素行質朴篤孝友母病甚割股藥之尋愈嘗服

方士達

庠生母喪廬墓父没刻像祀郡孝子祠

汪伯洲

孝友睦族仗義好施

宋大忠

代父侍祖母甚孝事母承歡終身如一

郭宗璉

宣嶽季子太學生隨父任朝夕侍奉能得其歡心歸

司空清白之

舒世安

家貧外藝聞母疾篤遄歸顛天割心以救剖胸肺見

許廷試以奇孝格天四字旌之父沒廬墓邑令夏文炳學博  
張孝揚時加餽問祀郡孝子祠安兄弟六人並有至性當安  
割肺病創時各自  
灼艾以分其痛

**周廷對** 早喪父哀毀過禮母極嚴曲意承順妻逆母命即  
築墳遷父母附葬廬墓三  
年奉旌建坊祀邑忠孝祠

**汪觀瀾** 字天牧永年長子永年治家嚴整瀾曲承父志葺祠  
宇建石梁賑穀給綿不下數千金宛陵試院逼窄率  
姪輩捐貲重建先是其父旅卒扶柩歸里俗以親體既寒返  
宅不祥觀瀾力排衆議殯於中堂祭葬如禮乾隆五年旌  
建坊子漢臣庠生源貢生孫  
顯祖匡國庠生俱有善行

**劉啟培** 字因之總角時兄弟並殤父痛甚啓培泣請於母爲  
父置側室後生二弟友愛尤篤每設席招鄉黨故舊  
與父讌飲爲樂數十年無間歲稔買穀散賑備鉄鋤千餘具  
遍與村鄰掘蕨全活無算置義學聚子弟讀書建石亭以憩  
行旅伐石磴路修理橋梁諸義舉  
未易僕數邑令李士竝舉鄉飲

寧國府志

卷二十八

人物志 孝行

二十六

**姚天臺** 字民望父病嚼臂和藥顛天求代獲瘥迨父沒哭泣  
幾喪明至老孺慕不衰弟妹婚嫁鬻產成禮以慰母

心家故貧好周悉轉貸以濟兵  
憲孫登第邑令程甲化並獎之

**周吉** 字迪元附貢生肄業北雍爲相國徐秉義所器重後以  
終養南旋逮事曾祖父母及二親皆盡孝敬親  
沒肖像事之重建文廟疏河通筏捐貲八百餘金濟困賑貧  
靡不曲至晚築東山精舍藏書其中興文會課子弟嘗大書  
致知格物以窮理存心養性以事天  
粘座右自警邑令勞啓鑑延請鄉飲

**江之祥** 字君瑞孝根性天父館龍山書屋祥日饋飲食竭力  
承歡閱三十餘年父母沒悲痛哀傷年未五十病亡  
父執施閭章聞而嘆曰龍山  
居十之子於孝殆庶幾焉

**周道懷** 父病求醫不痊遂割肝以進立愈邑令王滿  
川親視饋藥給扁旌之閱歲父卒廬墓三載

**宋宏鶚** 母病割股和羹以進父病日夜求天身代居喪盡禮  
結廬墓側府縣旌獎之弟亦克盡子職妻亦修行婦

道今老屋中有孝篤二  
難夫婦雙孝扁額現存

姚紹菁

夜隨父讀書採薪負米父歿母病噎委曲孝養客桐川經營創業俾弟姪皆成家年四十始婚姑蘇芮氏

又早喪遂不再娶葬其親於獅子山頂廬於旁復構靜室供木主召僧守護年逾九十猶必策杖登山親詣墓祭

方君訓

父客死河南訓年十五子身數千里後歸設位禮奠宛列憲號泣縣庭三載皆稱方孝子

終身不茹葷酒事繼母尤孝敬父遺逋千金皆獨償不以累兄人有負券並燬之子廷翰天性孝友以父喜施與歡心順

從族有貧乏每多周恤常出資治旌寧大路峻嶺遂成康莊一日無疾而逝人夢其為神

汪宏

庠生年十二父喪哀號不食家貧奉母極甘人皆稱為孝子後漸裕康熙間歲連稔屢出粟三百餘石散賑建

橋斃路共捐七百餘金嘗客遊淝水舟中有王姓欲投江惡詢其故以家貧親老借本盡折難以還鄉宏遂傾囊與之

方廷對

五歲失怙圖像事之孀母尤孝堂弟早逝弟婦青年矢志繼己子承祀與之田宅以全貞節至助建宗

祠橋梁及周貧恤匱皆不惜傾囊為之

呂德興

幼值父病中風即百計醫治後父病愈越十數年卒祖母又年高侍養德興竭力事奉待季弟最友愛所

寧國府志

卷二十八

人物志 孝行

二十七

置田產悉均分之無間言生平勇於從義樂善好施

周道修

字覺先吉之子太學生父母耄年偕老生事喪葬盡禮兄弟六人相得無間處鄉黨以義歲歉買米減價

平糶康熙戊戌城東駕虹惠濟二橋蛟水衝圯倡捐修葺又置義塚埋瘞無使暴露

劉懋侯

孝事繼母四兄季弟早逝遺孤皆懋侯撫育婚配待諸姪以義臨終猶出篋中金一千三百兩召諸姪分

之族有不足者咸給米濟之寒冬施綿胎七千餘領又助建郡邑各橋梁修剝嶺坑路

方世猷

少時往舅家與之食即懷以遺母父病刲股治療尋愈越二載復病劇嘗糞知不起憂心如擣及沒居喪

循禮待昆弟俱以義

張一作

母喪斷葷酒三載父好施予皆順承其志年九十九無疾而終兄弟多中落資給無爾我自高祖以下並

厝淺土竭力營葬族中貧乏者歲暮必周恤之

方逢校

十二歲時母病篤即割股以進獲痊宗族稱孝童學憲胡潤歲試泣郡校出場聞父病星夜歸報人尾至

家促往校曰父危至此忍遠離就功名耶遂以招覆不到見遺終身授徒課子不問外事

### 方大就

字伊五父病牌泄大就親侍廁脾不避污穢母患瘋症奉湯藥九年弗懈居喪茹素哀毀骨立兄沒傷痛

髮落鬢白身後事一切任之敬事邱嫂四十餘年毫無間言兄遺四子二女皆幼齡撫育成俾完婚配賢於寧邑所殖產業不以私其子悉與姪均之次姪早亡姪婦矢志每優卹之以成其節少業儒未遂厥志誓必教子姪讀書以承世業後並列庠序云寧邑令梁叻郡守蔣大成俱以額旌

舊志云按縣志割股療父者有王廷聰湯希孝郭宗瓚療

母者有汪若校劉大瑄王賢生方昂善姚祥應療祖母者

有姚懋功凡九人並專以此見孝法不備書

### 以上乾隆府志

### 鮑守才

客產於蘇七歲喪父事母有至性康熙十五年母病密上胥門城禱神扶肝療母死而復甦母病旋愈隣

## 寧國府志

### 卷二十八

人物志 孝行

二十八

里以聞巡撫慕天顏題請建坊

### 採乾隆府志列女傳內事蹟分纂

### 程家極

幼失恃賴繼母郭撫育之稍長學衣工以供朝夕母病醫禱皆不靈乃潛割左股和藥進而愈家極以力

猛創深流血不止越六日而亡里人哀之

### 趙友調

農家子父良苑患噎症百藥弗效割左股和藥進之父病就痊

### 以上據事實冊增

### 太平縣

### 明方必通

年十五父病革中夜泣禱剗股投藥進尋愈父卒哀毀廬墓三年與弟姪篤愛義不自私祀郡孝子祠

### 林桂芳

少有聲邑校嘉靖間父倬卒於官泣血千里扶櫬歸賊劫其母桂芳翼之被創死母得免祀郡孝子祠

### 李廷材

庠生與兄廷相弟廷桂五世同爨累百餘口家政肅然

焦守勅 性至孝父鎬老乍貧不堪粗糲勅自備保於人得僦

旦夕不離卧所 祀郡孝子祠

林文榜 萬厯間大水父宗淪被溺文榜墜

孫世賢 父客死燕邸徒跌扶欄歸無殯所抱棺呼搶族人為

勸歸泣曰禮未葬不變服吾何歸既葬除服補郡庠甲申國

變痛哭仆地嘔血數升遂佯狂不復出冠內戴神宗以來三 朝錢各一縣延之鄉賓逃匿佛龕中 邑令鹿匾曰忠孝鴻儒祀郡孝子祠

杜三陽 其父及兄封股者四遺產悉讓 為父母及兄通糧者為破產償之

國朝 項若麟 父邑庠生家貧授徒市甘脆為親養母沒事繼母如母

生既窆奉木主寢室朝暮誦 孝經哀哭終制祀郡孝子祠

陳尙老 兄鶴老死閩中丐資奔喪函其骨負以歸每止宿枕

寧國府志

卷二十八

人物志 孝行

二十九

拮据為 之合葬

孫時潤 庠生執母喪廬墓三年哀慟酸楚叔

張羽 子庠生家世貧伯父艱于嗣羽甫生伯母牛氏抱為已

去時牛氏年老疾篤羽子身晝夜扶持月餘兵解病益劇隨 卒羽擗踊欲絕既殯卜葬西郊結廬墓側事之如存每風淒

雨晦哀號徹 野如是三年

湯友 字又光貌恂恂若孺子而勇敢多力年弱冠從師受業

吾當以死衛之賊隨逸去己酉冬盜竊發入友家伯叔皆受 劫友父母未出戶盜攻之誓不與俱生賊皆却一賊從後射之

曰吾父母老爾若驚之誓不與俱生賊皆却一賊從後射之 洞胸顛猶振臂見父母曰兒生不能斫賊首死當效為厲鬼

殺之隨沒事聞各憲檄師 四出盡殲其類地方始寧

項聲 母年數歲父尚疾篤封股以療不愈哀毀如成人稍長事

母卒居喪一循古制既就窆即  
廬其側寢苦枕塊悲痛長號

### 湯世玫

字伯瑩父卧病不解衣而待醫藥凡二年便溲皆手  
自扶按處州羣賊起鄉盡逃父病不能離枕蓐又不  
可負以行抱持涕泣闔戶以待寇至

### 崔芹芳

字和生父大鵬叔大鶚早卒遺孤維國甲申乙酉間  
里有奸民煽禍都督于公帥兵掩捕誤執維國鵬不  
忍孤姪就戮挺身代之因釋國執鵬芹芳聞知悉赴軍門求  
代麾下挾刃阻之遭搥擊幾死于公訊得其情改容曰烏有  
孝義之家而從逆者乎俱釋之後父

歿哀毀廬墓三年宗伯吳襄為立傳

### 周和生

家居敦孝友慎取與重然諾當明中葉官糧民解悞  
公者死時和生兄弟當應役有弟二爭欲往和曰弟  
等皆未有子予已生一子矣義

### 程祚

庠生幼秉至性年七歲母胡氏疾禱神願代割股和藥  
以進果愈縣申按撫兩院俱給穀與花紅銀額旌曰孝  
格天心後居父母喪哀毀骨立三年不入寢室年踰七十  
每見父母遺像輒涕泣不能止其終身孺慕如此

## 寧國府志

## 卷二十八

人物志 孝行

三十

### 程順

與弟起力田為業順夫婦事母孝中年順婦死起婦不  
惠順獨力孝奉及母卒厝柩屋旁供飲食出入省視儼  
若事生康熙戊子夏蛟水陡發

### 汪興老

至性過人家極貧採薪易米以供母嚴寒乏爐火跪  
地自解懷以溫其足母歿貧無以殮族人議助其喪

泣謝曰奈何以衆資殮吾母堅却勿受營葬於清潭之麓塚  
域皆手成之日夕露侍風雨則以身蔽塚而號人競憐之為  
結茅以棲姪如已出迨長貧不能婚興自賣其屋以佐之早  
亡撫孤姪如已出迨長貧不能婚興自賣其屋以佐之

### 程調陽

字光益性謹厚少孤家貧執技養母迎意承志百計  
營致不憚貧乏一日母見鄰媪衣目之詰旦益走城

市如其色製以進母猶不知也弟病醫禱悉備踰年不倦既  
沒傾囊營葬形體羸瘠見者改容撫其孤女遣嫁尤至與族  
姪德先交最厚德先早歿益善視孀孤代理其家務十餘年  
絲粒不苟居母喪哀毀尤甚竟以得疾卒有女無子里人思

祠祀

### 黃旺

監生黃兆麟養子鏡嶺有匪竊為民患巨奸黃永壽庇  
之賊黨甚橫獨麟不苟附壽銜之一日會飲既醉思雪

忿於麟逞兇相角斃旺自田間歸惡語麟曰父年老二弟俱未有子男願身任之奔縣自首百拷不易詞獄具引領就刃初旺繫獄卒高其義常善視之赴憲讞回道近其居解役信之聽其歸明日從容別家人無難色及將卽刑惟憂父年老不勝悲痛餘無一言尸歸

以上並乾隆府志

**明程一仁**

字道生年九歲母病危篤私割股以進母遂痊崇正丙子就傳城西盛暑不袒師怪而強之見股上痕始

知其故為述於學博張公一儒贈以額曰孝  
繇夙慧及母歿廬於墓側自是不復應試

**國朝胡致遠**

監生幼抱至性母喪備極哀毀父年大耋凡可以娛親者悉力致之後迫嚴命促之楚心動欲歸忽訃至

椎泣徒跣數千里至則長號欲絕淚盡繼血兩目遂育四方贈詩編為憫棘人集年躋九旬終並事實冊

孝婦孝女附

宣城縣

**蕭梁宛陵女子**

與母同寢母為猛獸所攫女啼號搏獸行數十里獸毛盡落乃置其母去女抱母氣尚微屬經

寧國府志

卷二十八

人物志 孝行

三十一

時乃絕太守蕭琛上其事  
詔旌其門南史蕭琛傳

**元葛貞女妙貞**

年九歲聞術者言母年五十當死即誓不嫁終身茹素祈母壽年八十一卒事聞詔褒異之

**明同知張星妻陳氏**

繼姑嚴甚嘗無端彪怒碎其首父聞之恚氏曰兒自失耳非姑所致也姑聞亦悔姑

得惡疾侍卧起者三月無懈後夫  
貴受封卒年九十三乾隆府志

**國朝黃日新妻程氏**

日新館淮上母有痼疾程侍湯藥罔效乃虔禱割肝和藥進之姑疾頓愈同上

**李永九妻范氏**

年二十三夫亡姑病卧鄰火延及氏突煙焰負姑出髮膚俱傷乾隆三年旌同上

舉人梅清妻錢氏

生員梅夢杏妻徐氏

童玉彩妻程氏

吳信侯妻張氏

生員劉夢鶴妻王氏繼妻王氏

並乾隆縣志

庠生李將臣妻陳氏

高淳陳于階女九歲喪母哭泣如成人父病劇嘗糞味甜滑日夕哀禱味博苦



而父起于歸後翁州同李本立癱臥氏扶持抑搔衣不解帶者五載最後割股療之而翁亦起人稱孝感據事實冊增

庠生湯灝妻耿氏

灝貧甚氏于歸日即取已衣被奉姑衣鷄

竟以衰毀卒年四十一同上

楊啓一妻韋氏

母病劇哀泣露禱割股和粥進母立愈同上

### 南陵縣

**國朝**陶克綏妻許氏

于歸後事姑如事母姑每以孝婦呼之康熙

藥進病旋起姑又越二十餘年卒哀悼毀瘠晨夕上膳三年如一日乾隆府志

葉正綦妻王氏

年十七歸綦病六年王侍醫藥不懈綦卒家被盜土升屋以避俄聞盜執其姑悉奮身

躍下負傷衛姑盜感而釋之孀居五十四年卒年七十九同上

李宗橋妻湯氏

年二十一夫亡值歲饑自食糠粃留米養姑姑弟憐而餉之辭不受同上

邵重妻盛氏

夫亡鄰媪以家貧勸改適盛嚙一指示之一夕盜執其姑亟以身衛刃傷左臂仆地右臂仍擁

## 寧國府志

### 卷二十八

人物志 孝行

三十二

姑盜為感動去同上

王家上妻俞氏

年二十四夫亡姑年八十三俞與同寢處一夕盜刦隣家勢將及俞肩負老姑手携幼子

以避盜退復於村外麻塢負姑歸同上

王日渤妻李氏

年十五歸王力修婦道事姑胡尤謹居恒奉養必誠必慤侍疾湯藥必嘗而後進寢餐俱

廢凡五閱月迨醫謂不可為李涕泣彷徨伏地顛天糜股療之復愈人咸謂誠孝所感

### 涇縣

**明**洪武時俞歸女保奴

憫父無子矢志不字孝養盡誠撫所繼弟成立父歿喪葬備禮遂獨居一樓四

十餘年不下俞大灝俞肇琳有詩紀其事據新縣志增

賀大震妻王氏

家貧鬻奩資勤女紅以養舅姑姑偏愛幼子每虐氏且誣氏魘魅撻震問魘魅狀氏曰

無之母命震撻氏詰問終歲不得狀母益怒逼使改嫁夫不得已遣歸者十年氏針黹自給絕無怨尤每臘盡必具襪履

致舅姑與夫并及夫弟姑頗悔命震迎歸氏拜姑膝前請罪  
尋姑病篤氏割股為羹以進姑覺之手摩其創墮淚曰我錯  
我錯囑身後共保全孝婦夫弟亦  
感泣震為夫婦如初乾隆府志

趙必忤妻王氏忤英  
年十七適忤生子良際十九夫病篤丁  
絕其姑由再醮來本非忤母逼其再適初刻督其紡織繼窘  
縮其衣食呵罵鞭撻日夕相尋一日撻至數百復嚙斷其一  
指血流暈仆父偕族眾來諄姑姑曰婦當順姑姑特逼醮難從  
耳既拂姑意受責何怨自是姑愈毒氏愈恭姑尋患瘋卧床  
十餘年氏侍湯藥無間姑死或謂之曰爾今得安矣氏曰吾  
所不死正為上奉舅姑下撫孤兒豈忍幸姑死以求安久  
亡五保貧苦不知所終據新縣志增

包一賢妻翟氏珊清  
年二十一寡割股療姑疾撫孤成立  
卒年六十一乾隆八年旌同上

查照妻王氏芳  
照代兄運糧為旌丁所誣下獄氏勤女紅奉  
養兩姑朝夕曲慰閱十六年無間夫後釋歸  
病割股療之  
而愈同上

寧國府志

卷二十八

人物志 孝行

三十三

庠生王益妻業秀  
舅老病目後姑殷亦病目氏手進飲食衣  
服二十餘年不少懈邑令旌之同上

查維妻蘇氏  
姑病醫藥不救氏割股幾殆姑旋病癱二十年  
飲食櫛沐仗氏扶持罔間晝夜姑後連稱孝婦  
而絕  
同上

監生洪文耀妻汪氏  
繼姑老疾卧床數載氏奉湯藥除垢穢  
無厭倦色姑歿以哀瘁卒年六十一

鄭名琳妻胡氏  
孝養舅姑十八載  
人無間言同上

洪士楷妻胡氏楷秀  
楷行賈不歸翁病劇姑嘆曰有兒割股  
庶可今無耗恐死矣氏聞割股和藥進  
病果愈卒年六  
十五同上

潘桐林妻鳳氏賚枝  
先曾割股愈姑疾後數十年姑病復發  
氏亦有年又割股進姑覺而問之隱不  
言姑終以哀  
死同上

言姑終以哀  
死同上

王錫貴妻吳氏

夫因溺成疾氏代子戢謹甚姑病割股得上

朱寧藩妻胡氏

事兩代翁故有疾未嘗解帶翁姑俱臻上青

門百口內外無間言學使戴題額旌之同上

監生吳士傑妻衛氏高英

士傑賈江寧姑病疫醫藥不救氏焚香祝天割股和糜進得痊同

上

寧國縣

宋鄭巍挺妻劉氏

姑性嚴劉能得其歡心姑病九載侍湯藥衣不解帶晨興必露禱於天乞延姑筭比卒脫

簪珥營塋蔬食三年後以夫貴累封恭人乾隆府志

明包吉祥妻胡氏銀貞

奉姑孝姑未食不敢食姑病侍醫藥旬月不解衣比歿哀慟不勝久後言及必

泣下邑令范鎬旌之同上

寧國府志

卷二十八

人物志 孝行

三十四

胡宗彥妻汪氏

彥死守節以父應官貧迎養之宮遣重疾割股以進得痊人稱節孝同上

國朝吳士倫妻周氏

十六歲歸吳值姑病露禱割股和藥進病乃愈二十七歲夫故事羸姑撫二子孝慈兼至

據事 實冊增

增生洪克堂繼妻馮氏

歛縣人父故無棺氏年十五願賣身殯父遂歸洪為繼室克堂歿守節三

十年現年六十 同上

旌德縣

明管春浚妻江氏粧容

年十四割股愈母病既歸管會姑病又割股療之乾隆府志

姚希俊妻江氏

翁姚擯安慶倉官在任病篤氏割股陷之尋愈撫按交獎同上

宋氏

年甫十二母病羹股進未愈禱以身代久之母痊歸方門以賢婦稱同上

庠生江有燮妻芮氏

母姑先後病劇皆割股啗之而痊及夫病顛天請代亦良己家貧紡績以佐夫

讀年三十卒人賢而哀之 據縣志增

郭起錕妻宋氏

年十三母病割股及歸郭復割股療姑疾夫病又割之股肉幾盡二十五夫亡撫孤三十

載隣里憐且敬之 同上

江之鍾妻呂氏球貞

年二十夫亡撫遺腹子以守舅老病噎焚香祝天割股以進舅疾竟愈 同上

國朝張文珏妻郭氏珏蘭

少司空建邦女孫適張二歲珏病割股療之不起自以無子決從死而珏故嘗

私婢有娠婢遣後產而男乃贖還哺之嘗侍舅疾割右股父疾割左股舅與父相繼逝未幾姑病自念三割股而不效乃

顓天而割之仍不救哀瘁欲絕聞者為之流涕卒年四十四子守統夫婦事郭亦孝方應台為立傳 乾隆府志

張尙謙妻姚氏

翁患噎謙欲割股和藥氏曰君體羸請代割割以進良效年二十七謙亡三孤皆幼苦守

五十七年

庠生劉傑妻方氏

少寡撫孤以守舅先歿事繼姑孝賊入室劫姑氏懇救被創姑賴以免值蛟水暴發

寧國府志

卷二十八

人物志 孝行

三十五

獨免漂沒後鄰火延燒及屋梁而熄人咸異之雍正十三年 旌 同上

庠生姚繼韜妻張氏

年二十四夫病割股不效後翁姑疾又皆割股乾隆七年旌 同上

汪振芳妻江氏

姑病夫割股和藥痛不支氏覺割臂以進病旋愈年二十六夫故事翁撫孤卒年六十四

據縣志增

江日旭妻呂氏

年二十五夫亡子方襁褓姑病劇禱天割股和藥進病旋瘳迨姑歿哀毀盡禮卒年八十

同上

宋再廉妻方氏

曾割股療姑疾年二十一夫病割之不效事姑盡禮卒年六十九 同上

呂光城妻江氏

年十九夫亡姑病割股療治卒年六十二 同上

王一巒妻汪氏

姑病亟默禱竈神割肝以進姑疾遂愈後夫病復割兩股救亦愈 同上

庠生葉芳春妻楊氏

姑病禱神割股竭力調護姑賴以痊 同上

朱守賢妻湯氏 父疾割股啗之而愈及嫁夫貧服賈病姑坐

色偶患乳癰幾殆夢神告曰憐爾孝為延五春果瘳同上

高興揆妻胡氏 嫁半載而夫行賈四十年音問斷絕氏賣粧

奩易木棉麻桌夙夜織作以供老翁翁卒殯

管嘉燕妻方氏 年十六母病割股療之愈嫁後姑病復富股

亦無問言同上

戴一樂妻劉氏 年二十八夫亡紡績養舅姑姑病割股和羹

年九十 據事實册增

劉體暄妻鮑氏 年二十七夫亡姑病瘋坐卧需入氏扶持十

升而愈五十一歲卒鄰火延燒及殯室而滅人咸見有物呵護云同上

寧國府志

卷二十八

人物志 孝行

三十六

舒榮妻汪氏 姑病禱天願代復割股啗之遂瘳

趙良苑妻呂氏 姑病痛和藥進竟痊同效

朱家潛妻趙氏 姑病痛氏割臂療之姑現年

劉茂點妻方氏 夫覓食京師姑病危篤割股啗

太平縣

南唐聶氏

太平鄉民女父蚤歿與母居一日隨母入山採薪母

手按頭連割其項同樵見者呼噪助斫之虎奮擲不得脫自

困死聶捨歸告鄉里共收母屍時年十三歲也衆咸異之

明徐僅妻王氏

歸四月僅卒姑病割股以進翁病祈神請代翁

葉尚亨妻劉氏 嘗羹股療姑亨以邑椽赴燕死訃至欲殉家

喪歸惟誓守耳遂弛  
防忽投繯死同上

**國朝曹良務妻孫氏**

五而寡撫孤成立長適曹二十

**王壽妻查氏**

十姑病割股顛天求代年二

**杜攀桂妻甯氏**

年二十寡無子獨養姑二十六年姑歿

**盛文茵妻查氏**

年二十二夫故忍死事姑姑